

廣東通志


卷六十六之下

| | | | |
|------|-----|------|----|
| 內閣文庫 | | | |
| 函 | 冊 | 號 | 類 |
| 二四一 | 六九二 | 三九六九 | 漢書 |

| | | | |
|--------|-----|------|----|
| 內閣文庫 | | | |
| 函 | 冊 | 號 | 類 |
| 二九二 | 六九二 | 三九六九 | 漢書 |
| (一六五才) | | | |

| | | |
|------|-----------|------|
| 內閣文庫 | | |
| 番號 | 漢 | 3969 |
| 冊數 | 692 (561) | |
| 函號 | 291 | 97 |

五六一





其靖也迺述而銘之曰粵有交州最爾瀛介三代之
 隆擯於荒外羸秦遠略迺闢其疆葺教漸被歷漢而
 唐五季紛綸上首竊據涉宋而驕益煩邊慮
 大明受祚陳氏奉寶 文皇征之掎戮鯨鯢索亂于陳
 賊逆毒蔓離題垣約以繩墨黎利再叛詐擁陳後
 絕不 可得迺建省垣錫爵給印樹為藩邦三葉而墮
 宣廟慈弘包荒肆宥錫爵給印樹為藩邦三葉而墮
 遂覆厥宗莫氏承之諸夷腐懷不請而禪于義則乖
 皇帝赫怒渙號徵師如雷如電岳峙海馳締武經文
 維兩司馬矯矯元侯從天而下司馬有令既嚴既明
 邨用翁君蕙信以匡輔敦義勇鷹搏虎奔朱鏊日麗
 玄甲雲屯藉令戡之倏如畦耨載鞠載詢蓄武不究
 交人聞之喙豸嘽嘽傾巢舉落俯訴仰干蓬跣繫組
 蛾伏而進順效牽羊請同昇觀匪寇匪篡庶幾有辭
 皇帝憐之遂以德來乃削其爵而界世官比于內史
 輯我龍編交人驩呼曰父母且完我婦子築我室廬
 燁燁天威貯睫而在歲歲天恩含哺以戴如春之育
 如海之容訓爾孫子惟王之共虞格苗民淹於七旬
 交人來款曾不浹辰商伐鬼方三年而服宰割交州
 曾不遺鏃我紀其事勒之貞珉伏波銅柱又何足云

廣東通志卷之六

卷之六

一

忠貞堂

二十一年六月登庸卒勅諭以莫福海襲職二十二年六月福海遣使表謝自是來貢不絕二十五年五月福海卒其子宏瀛幼國內爭襲交兵先是登庸以爲義子偽封西寧侯敬復以方瀛次子敬典爲婿通於方瀛妻武氏因得專兵柄福海卒宏瀛方五歲敬挾宏瀛自然登庸次子正中與文明避于都齋其同輩阮如桂范子儀諸人亦各還田里既而阮敬以兵不勝遂各奔散或云登庸福海之死皆敬鴆殺之也二十六年二月有黑石殞于廣州懷遠驛時安南莫正中莫文明莫福山率其家屬百餘人避難至欽州投訴解赴軍門提督侍郎張岳總兵平江伯陳圭奏發韶州肇慶清遠安插給米有差石殞于驛者三中斷爲六占者曰外

夷分崩離析之象也七月軍門解送欽州投訴安南國人莫正中及其從弟莫文明等至驛軍門收其行李銀兩而封固之使人護送暫居于此然後安插此隕石之兆也二十七年安南范子儀范子流等率眾寇欽州官兵執誅之子儀子流偽稱侯伯副參等號率舟師擁眾至欽州許稱宏瀛已卒以迎莫正中嗣職爲名圍城劫村殺傷官兵提督侍郎歐陽必進奏改福建指揮俞大猷於廣東都司督調漢達上兵一萬員名禦之生擒范子流俘斬一千二百名賴子儀乘風遁還既廉州知府胡鰲立平安南逆而宏瀛擒之函首軍門黨碑二十八年安南莫敬典討子儀餘黨盡誅之護送宏瀛至鎮南關勸明奏令襲職三十年以宏瀛襲安南都統使宏瀛襲職後在阮敬掌握中屢爲登庸臣黎伯驪所攻出奔海陽自是不能赴關領職而貢使亦不能行矣○李文鳳月山叢談莫登庸其先不知何許人或云本廣州東莞縣蛋民其

廣東通志卷之六

父流寓安南海陽路宜陽縣古齋社長名之計萍
蓋無定跡之義載語也萍生登庸及厥父子以漁
業登庸有勇力黎澄以為都力士信任之正德十
年從陳曷作亂弒澄曷敗登庸復降曷死登庸復襲
殺其子昇潛謀不軌倚不能制尋逼納椅毋矯命自
封以子篡國而終為義子阮敬所鳩天道豈無知者
哉莫交岡地近蓮花灘據上流擁強兵福海嘗以兵
五萬攻之師為敗而歸若雲南師出討敬以文淵為先
鋒鄉導我師為順流東下直抵龍編勢如破竹耳
昔毛伯温上疏謂黎寧無是人欲截去愚越嶠序錄
黎和偽名寧之說後愚承乏臨元得武氏牌文仍稱
元立一敵也包茅不入王法必討夫兵豈患不足哉
廣西可得十二萬又取湖廣土兵六萬各衛兵四萬
江西廣閩召募八萬即可得二十萬雲南兵五萬武
文淵亦可得五萬其四上萬眾當橫行越裳之地敬
不足平矣罪人既得之後詔分折其地以昇有功
如文趾故城仍以莫氏為都統使武淵有功即以
為清化路宣撫黎寧若存亦量割地授之其餘分授

比之麓川老撾等例我中國一無所私焉務使犬牙
相制大小適均都統與宣撫知府各不相轄使各得
自選其屬三年朝貢各得專達則人
人喜下得地得官必當恭事中國矣

疆域東至海三百二十里西至雲南老撾宣慰司

界五百六十里南至占城國界一千九百里北至

廣西思明府憑祥縣界四百里自其國至南京七

千七百二十里至京師一萬一千一百六十五里

統志○宋武經總要交趾路自州西南陸行取
馬援路至讓州二百七十里又二百四十里至祿
州又二百里至交州天寶以前陸行凡二十驛一
說南渡鬱江西南行經羈縻五州至交州約六百
里安南城西至愛州界小黃江口四百六十里至
長州界靖江鎮百五十里西北至峯州界論江口
水路百五十里東至宋雋界小黃江口五百五十
里北至武定江二百五十里太平興國中伐交州

廣西通志卷之六

命蘭州團練使孫全興帥三將兵由邕州路進師宋人所紀未得其要領不知一統志據舊版籍之得其真也故持書於此

按洪武六年春正月廣州衛指揮僉事楊景討平海北諸盜令雷州衛千戶王清等追捕逋賊羅已終於潘浦乃會海南官軍追已終於烏雷門十二月討已終於欽州得安南報乃還或報已終逃往王清同海南千戶周旺汪蒞等捕之獲賊從黃三舍等五百八十三人又獲廉州府石頭昆城大廉賊沈三秀等四人隨據頭目李福等獲已終同伴武欽州沿海巡檢昌庸具報於龍門七十二徑等處捕獲已終賊伴云已終先於三月二日為賊所殺賊衆潰散并安南國雲屯海鎮經畧史關報相同景乃率原部舟師還衛○雲屯海鎮在交趾新

安府雲屯縣之雲屯山在大海中番賈舟船多萃于此永樂中置市舶提舉司其山摩空直聳兩山對峙一水中通自海南黎毋山發船西行水程九百里至海寶山自海寶北行水程三百里取鷄唱門入雲屯鎮就此鎮轉入新安府或往安邦州永樂七年八月廣東巡海副總兵指揮李瑄奏交趾賊船至欽州魚洪村劫掠百姓燒燬房屋官軍追至交趾萬寧縣海上遇賊船二十餘艘官軍奮擊敗之殺賊及溺死者無算獲藤步船一艘梟賊首於海上械送賊首范牙阮邊等并家屬男女至京命法司鞫治如律是時我兵全勝彼方敗滅尚肆劫掠由此觀之欽州乃彼此寇賊往來之衝龍門江諸要地不可以不防

也莫登庸入鎮南關特翁萬達陪使畫工圖其形貌插中大面似有福者毛伯温嘗出以示人廣

東左方伯楊銓後對人云此必偽為彼登甫安肯來蓋夷情詭詐大抵類此

安南貢獻方物有金銀器皿熏衣香降直香沉香

速香木香黑線香白絹犀角象牙紙扇舶使常至

廣州唐土貢金銀玳瑁辟龜皮蕉檳榔鮫華蠍蛇膽翠羽藤器白蠟豆蔻紗絕孔雀尾金薄黃

胥象齒犀角宋土貢絀絹紋縵七寶裝交椅銀盤異獸馴犀馴象金珠沉水香良馬金銀香物

占城國古越裳氏界本秦象郡林邑縣地漢為象林

縣屬日南郡其地西去廣州二千五百里東濱滄海

西際徐狼今瓜哇南接扶南今真臘北連九德今安南東西

五百里而羸南北千里城去海百二十里去日南界四百餘里其部湖浦口有秦

象郡墟咸猶存其南界水步道二百餘里有西屠夷亦稱王

馬援因植二銅柱以表漢界馬援北還留遺兵十餘家居壽冷岸南而對銅

柱悉姓馬至隋有二百餘戶交州以其流寓號曰馬

流言詔本服尚與華同山川移易銅柱今復在海中

馬流人常識其處林邑記建武十九年馬援樹兩銅

柱於象林南界與西屠國分漢之南壩又云銅柱山

周十里形如倚蓋西跨重巖東臨大海屈膠道里記

林邑大浦口有五銅柱焉按水經註言銅柱在林邑

不言在欽江疑銅柱漢末大亂功曹子區連殺縣令

在欽者岩馬總所植自號為王謂之林邑國吳時通使赤烏十一年交州

取其區粟大戰于灣浦數世後其王無嗣外甥范熊

代立傳子逸晉建興中夷奴范文教逸制造城池宮

室兵陣器械王愛信之咸康二年逸死文篡位都典

卷之六

沖去海岸四十里水經註林邑城西南角高山長嶺

鄒船遠界三重長洲隱山繞西衛北接澗大源淮水出

澗小源淮水出松根界上山整流隱山繞南曲街廻

東合淮流以注典冲其城西南除山東北瞰山重壘

流浦周遠城下東南塹外因傍薄城東西橫長南北

縱狹北邊西端迴折曲入城周圍八里一百步塹城

二丈上起塹墻一丈開方隙孔上倚板板上層閣閣

上架屋屋上構樓高者六七丈下者四五丈飛觀臨

尾迎風拂雲緣山瞰水騫翥嶮嶮但制造壯拙耳

時交州刺史姜壯使所親監日南郡並貪殘臺遣夏

侯覽為太守志侵刻文貪日南肥沃欲畧有之至是

因民之怨襲殺覽以其屍祭天交州刺史朱藩遣督

護戍日南文復滅之進寇九德郡害更民十八九末

和五年文苑子佛立猶屯日南七年交州刺史楊平

九真太守灌遂討佛走之佛乃請降隆安三年佛孫

胡達復寇日南九真諸郡無歲不至殺傷甚多交州

遂至虛弱至其孫文敵為扶南王子當根純所殺大

臣范諸農平其亂自立為王諸農死子陽邁立陽邁

宋元嘉二十年使振武將軍宗慤與交州刺史檀和

之討之語在和其後遣使朝貢齊梁陳時或不賓服

隋遣大將軍劉方及欽州刺史竇長真伐之語在其

王梵志遣使謝罪於是朝貢不絕唐貞觀中其王頭

黎死子鎮龍被弑國人更立頭黎女為王國人不服

立頭黎姑之子諸葛地為王妻以女其國乃定至德

後以國在環州界更號環王王所居曰占城又以占
城名之元和三年犯安南時楊於陵為嶺南節度使

遣兵擊走之

白居易草制勅於陵省所賀安南破環

王國威帥李樂山等三萬人者具悉卿

蠻夷犯疆方鎮致討克徒喪敗荒徼清平卿素蘊忠

誠又連封壤疾既同於山藪勢益壯於輔車想聞徒

書當倍憫愜載省安南都護張舟責其朝獻不至執

所賀深見乃懷偽都統斬首二萬級虜其王子獲戰象舳鎧黃巢亂

後嶺海多虞史亦絕書五季周顯德五年其王釋利

因德漫遣使朝貢表以貝多葉書之始自稱占城國

云末建隆二年其王釋利因陀盤遣使朝貢開寶五

年其王波美稅褐印茶遣使蒲訶散朝貢即前二次

所遣者也太平興國二年其王波美稅陽布印茶遣

使李牌來貢六年交州黎桓上言欲以占城俘來獻

太宗令廣州止其俘存撫之給衣服資糧遣還占城

詔諭其王七年遣使乘象入貢詔留象廣州畜養之

八年伐交趾水陸象馬數萬黎桓擊走之俘斬千計

雍熙二年其王施利陀盤吳日歡遣使獻方物且訴

為交州所侵掠二年其王劉繼宗遣使李朝仙來貢

儋州上言占城人蒲羅過為交州所逼率其族百口

來附四年秋廣州上言雷恩州關送占城夷人百五

十餘口來歸分隸南海清遠縣端拱元年廣州又言

廣通志卷之

卷之

三

一

占城夷人忽宣等族三百餘人來附淳化元年新王
楊陀排自稱新坐佛逝國遣使來貢訴為交州所攻
上賜黎桓詔令各守境尋賜其王白馬兵器諸番聞
之不敢侵侮至道元年上表謝恩併獻方物且言本
國流民三百散居南海蒙旨放還今猶有在廣州者
舊有進奉夷人羅常占見駐廣州乞隨其船舶歸國
上從之復賜白馬二遂為常制成平二年嗣王楊普
俱毗茶室旁入貢再至乃詢知其避交人奔于佛逝
去舊都七百里大中祥符三年嗣王施離霞離鼻麻
底得金毛獅子於三佛齊四年來獻天禧二年嗣王

尸嘿排摩慄遣使入貢言國人詣廣州或風漂船至
石塘即累歲不達矣石塘在崖州海面七百里外下
陷八九尺者也天聖七年奉表進鳳八年嗣王陽補
孤施離皮入貢慶曆元年廣東商人邵保見軍賊鄂
鄰百餘人在占城命轉運司選使臣賫詔書器幣賜
其王購鄰致闕下餘黨令就戮之明年十一月其王
刑卜施離值星霞弗遣使獻馴象嘉祐元年其使蒲
息陁琶貢方物還至太平州沉失行橐明年正月詔
廣州賜銀千兩七年其王施里律茶盤麻常修武備
以禦交趾由廣東路入貢請賜白馬從之熙寧元年

其王楊卜尸利律陀般摩提婆入貢乞市驛馬令於
廣州買騾以歸建炎二年其王楊卜麻疊入貢紹興
二十五年子鄒時闌巴嗣封乾道三年子鄒亞娜嗣
掠大食國方物來貢爲大食所訴遂不議其封七年
閩人有浮海之吉陽軍者風飄至占城見其國與真
臘乘蒙以戰無大勝負乃說王教以騎射王大悅具
舟送之吉陽市馬得數十疋歸戰大捷明年復來瓊
州拒之憤怒大掠而歸知吉陽軍林寶慈奏聞淳熙
二年嚴馬禁不得售外番三年占城歸所掠生口惟
存八十三人求通商不許四年占城以舟師襲真臘

入其國都慶元五年真臘大舉伐占城以復讐殺戮
殆盡俘其主以歸國遂亡其地悉歸真臘因名占臘
云其後國王或曰真臘人也又曰占城恢復無可據
者今其國近瓊州順風一日可至建都臨海曰新洲
港所居屋宇門墻俱甃以灰甃雕鏤堅木爲猛獸狀
外周磚垣爲城以兵甲藥鏃刀鏢守之元至元十五
年旣滅宋遣人至占城還言其主失里咱牙信合八
刺哈迭瓦有內附意詔封占城郡王十七年其王保
寶旦峇囉耶印南該占把地囉耶遣使貢方物奉表
降十九年以其國主宰由補刺者吾旣內屬即其地

立省而其子補的負固不服遣兵征之自廣州航海

至占城港港口北連海海旁有小港五通其國人州

城兵治木城四面約二十餘里起樓柵立回分遣瓊

州安撫使陳仲達等三道攻之以萬人建旗鼓出木

城拒戰乘象者數十亦分三隊迎敵矢石交下自卯

至酉賊敗北官軍入木城合擊之殺溺死者數千人

其王與其臣逃入山使報答者來求降官軍復駐城

外既歸款然終無順志 本朝洪武元年其王阿答

阿者遣使入貢二年春二月辛未遣行人吳用賜以

璽書日今年二月四日虎嶺蠻奉虎象至王之誠意朕已具悉然鄰蠻未至朕之使已在途矣朕之

遣使正欲報王知之曩者我中國為胡人竊據百年

遂使夷狄布滿四方朕我中國之彝倫朕既以發兵

討之垂二十年芟夷既平朕上中國天下不安恐番

夷未之故遣使以報諸國不期王之使者先至誠意

至篤朕甚嘉焉今以大統曆一本緞金綺羅羅縵五

十疋專人送使者歸且諭下以道能奉若天道使占

城之人安於生業王亦未保祿位福十三年九月遣

及子孫上帝寔鑒之王其勉圖勿怠使入賀萬壽聖節諭其勿與安南交兵永樂元年遣

使告諭即位六月其王占巴的賴遣使奉金葉表文

來朝貢方物且言安南侵掠請降勅戒諭者再 上

遣行人蔣賓王樞使往其國賜以絨綿織金文綺紗

羅而勅安南胡奩令其息兵修好尋賜鈔幣并賜勅

諭日王復奏安南侵擾等事已再勅責胡奩王亦以

修德務善以保國人如查冥頑不俊曲在於彼朝

廣通志卷之

廷自有四年七月勅廣東都指揮司選精兵六百人
處置以能幹千百戶領之且器甲糗糧由海道往占城會
合軍馬八月遣內官馬彬等齎勅諭以伐安南賜以
鍍金銀印及紗帽金帶黃金百兩白金五百兩織金
文綺衣二襲并綿綺紗羅等物占巴的賴遂出兵助
征復遣太監王貴通齎勅往勞之賜白金三百兩綵
幣二十表裏五年五月奏言克取安南所侵地獻俘
貢方物謝恩 詔嘉獎之六年十月遣其孫舍揚該
奉表貢象及方物謝恩比還賜真金印及黃金百兩
白金五百兩錦綺紗羅五十疋綵絹百疋且賜勅嘉

勞之七年八月遣使奉表謝恩貢犀象等物八年九
月復遣使濟標等貢象并金銀器物仍遣馬彬送濟
標還國就齎勅以文幣賜之十三年四月遣其孫舍
阿那沙等奉表貢方物冬十一月兵部尚書陳洽言
初討黎賊及陳季擴之時占城國王雖聽命出兵來
助然實懷二心圖唇齒相依徘徊觀望愆期不進及
進至化州乃大肆虜掠以金帛戰象資季擴季擴亦
以黎蒼之女遺之復納季擴之舅陳翁挺及鄧鎔之
弟鍛等男女三萬餘人又侵奪升華府所隸四州十
一縣地驅掠人民厥罪季擴一等爾夫有罪必討請

發兵征之 上以交趾既平民方安業不忍窮遠夷

但遣使賚勅諭占巴的賴日爾父羅安南荼毒屢請

郡縣其地爾賴以安當思感德守分用保爵土若陰蓄二心悖違天道不撫下人不歸侵地安南覆轍在

前爾其自是屢貢惟十一年遣行人往勞餘如番夷

常例十五年侵據升華府傳至摩訶貴由景泰末死

其弟盤羅悅天順初遣使入貢請封遣給事中江彤

行人劉寅之等勅往封之諭其砥礪臣節賜以綵幣

而已盤羅悅遣使奉表入貢即遣其使逋沙波利齊

勅并賜綵幣自是屢為安南所侵財用兵力日以衰

耗成化中其王為安南兵所逼徙居赤坎邦都郎遣

使請封而安南陪臣據其國都使臣馮又等誤封之

嗣王古來航海奔至廣州投訴表文以來朝為辭督

府屠瀟委叅議姜英勘實護送至京時安南納其叛

將而助之霍為申言古來不當嗣於是古來留廣州

力辯其冤瀟從僉議謂冊印古來名宜奏聞畀諸

古來遂移文諭安南數其不能卹鄰之義折其奸萌

道之順逆安南聽從不敢肆其兇狡乃選官軍二千

令東莞南頭商人張宣領之護送古來至新洲港得

反其國弘治十八年古來卒沙古卜洛嗣正德五年

詔遣給事中李貫行人劉廷瑞賚勅冊往封為占城

國王十二年來朝貢震澤紀聞吳惠字孟仁東吳人

詩或言于縣令令奇之召為弟子員舉未樂甲辰進

士洞庭有進士自惠始授行人喜言事奉命使占城

還至七州洋大風舟幾覆正使給事舒某泣不知所

為惠為文以祭祝融與天妃之神俄而開霽還陸桂

林守義為文以祭祝融與天妃之神俄而開霽還陸桂

公止之日義寧吾屬吾往撫之不從用兵未晚乃肩

輿從十餘人入其峒山石攢峭如劒戟徑人騰躍如

飛聞太守至奔告于其酋出逆論之曰吾若屬父

母也宜聽吾語眾唯唯惠因為陳逆順禍福報罷兵

留數日歷觀諸屯形勢以數千人衛出順境歸報罷兵

明年武岡州盜起宣言推義寧峒主為帥藩臬咸尤

惠惠曰吾當任其咎乃遣人至義寧群從從山巔望

見惠使即遙拜言不敢反狀且來雪武岡之誣盜計

遂沮乞惠在郡無敢騷竊者天順三年十月陸廣東

右參政王三品休卒惠別有日記畧云正統六年

七月奉使占城立嗣王十一月某日發東筦次日過

烏猪洋又次日過七州洋見銅鼓山次至獨猪洋

見大周山次至交趾洋有巨洲橫截海中怪石廉利

廣東通志卷之六

風橫舟礙之即糜碎舟人不勝恐頃史風急過之次

日至占城外羅洋校野口廿九日王遣頭目迎詔

寶船象駕笳鼓填咽旌麾靄靄衣相髻前後奔馳

至行宮設宴王乘象牙於國門戴金花冠纏纓珞環

帳列戈戟以群象為衛既宣詔王稽首受命上元夜

王請賞烟火藝沉香燃火樹盛陳樂舞五月六日回

臘月十五日曠見廣海諸山遂收南門以還廣東其

其樹多檳榔紅蕉椰子其嘉靖二十一年再至抵齊

人極弱夜鼓八更為節

按占城之先本林邑一縣屬日南郡漢末迄晉侵

郡地范文攻旁國并之永和三年攻陷日南遂據

其地告交州刺史朱蕃以來日南北鄙橫山為界

後九真太守討佛走之追至其國特五月立表日

南九真一分自北影之南故開北戶以後所置日南

較也郡名曰南蓋治于此疑吳晉以後所置日南

郡乃其 其後侵暴諸郡兼并旁國疆域日大延袤
至三千里或曰千里蓋乍強乍弱不可定也要之
實有日南郡三之二非復舊縣矣漢書所謂日南
徼外者蓋日南徼內則皆漢地也
占城貢獻方物有象象牙犀犀角孔雀孔雀尾橘
皮抹身香龍腦熏衣香金銀香奇南香土降香檀
香栢木香燒碎香花梨木烏木蘇木花藤香蕪蔓
番沙紅印花布油紅綿布白綿布烏綿布圓璧花
布花紅邊縵雜色縵番花手巾帕兜羅錦被洗白
布泥使回令於廣東布政司管待

直臘國在占城西南

自占城順風三晝夜可到或云
半月西南去林邑三千餘里水

步道

一日吉蔑

又名甘
李智

本扶南屬國東距車渠西有

朱波

唐書
作驃

北近九真南瀕海距廣州十日程其王姓

刹利日漸強盛隋時始通中國傳至伊金那貞觀初

遂并扶南而有之

唐人亂鬻客傳謂兼
扶南即狼臚

裸國

九真郡水東南流逕船官口下注大浦之東湖
潮水日夜長七八尺從此以西朔望并潮一上

七曰水長丈六七尺後日夜分爲兩潮水長一二
尺四時高下一定水無盈縮是日海運兼名象浦一

日象水也是爲徵外之夷皆裸身男以竹筒掩體女
以樹葉蔽形雖習俗猶恥無蔽惟依暎夜與人交市

閩中觀金便知好惡明朝曉視皆其先女子爲王號
如其言蓋自徵外皆然不獨扶南

曰葉柳

柳音聊
葉調國

其南有激國人名混漬來伐葉柳

廣東通志卷之七

卷之七

七

降之遂以為妻惡其裸教着貫頭國內效之男子着
橫幅今干漫也其後天竺僧憍陳如有其國教國人
事天神每旦誦經呪故易世既久直臘重僧云民色甚黑
號為崑崙婦女多有白者生女九歲請僧誦經作梵法去其童身點其額為吉利名曰陣毯十歲即嫁
城周圍可二十里郭下二萬餘家石濠廣二十餘丈
餘城三十所各有數千家王宮及官舍皆向東城門
上有石佛頭五飾其中者以金當國中有金塔金橋
王宮在其北近門周圍可五六里其正室瓦用鉛九
歲時一會則羅列玉猿孔雀白象犀牛於前名曰百
塔州金盤金碗盛食諺云富貴直臘也永徽初并有

鳩密富那迦乍武令僧高等國神龍以後國分為三
其南近海號水真臘其北多山阜號陸直臘後復合
而為一迄宋通貢不絕及滅占城號為占臘役參半
直里登流眉道明蒲甘等國為屬國所領聚落六十
餘地方七千餘里元元貞中遣使招諭之乃始臣服
見永嘉周遠觀本朝洪武初國王忽兒那遣其臣柰
真臘風土記亦吉郎等表獻方物二十年七月行人唐敬還自真
臘其國王遣使貢象五十九隻香六萬斤自是朝貢
不絕永樂改元遣使詔諭即位至其國氣候常熱田
穀歲熟煮海為鹽風俗富饒男女椎髻穿短衫圍梢

布非復裸國矣其所屬國猶有裸者見有衣服人即笑之法有劓刑刺配犯盜則斷手足其民殺中國人則償命中國人殺其民則罰金無金賣身贖罪二年八月國王參烈婆毘牙遣陪臣柰職等九人朝貢方物賜鈔幣表裏初中官往使真臘將歸有從行軍三人遁索之不得國王以其國中三人從中官歸補伍至是禮部引見上曰中國人自遁何預彼事而責償且得此三人語言不通風俗不諳吾焉用之況其皆自有家寧樂處此爾禮部給之衣食予道里費遣還真臘尚書李至剛等言臣意中國人必非遁於彼者

或為彼所慝則此三人亦不當遣上曰不用逆詐為君但推天地之心待人可也三年參烈婆毘牙死命序班王孜往祭之封其長子參烈昭平牙為王賜之綵幣等物十七年三月參烈昭平牙遣使奉金鏤表文貢馴象方物

按真臘疆域一統志東際海西接蒲甘南連加囉希北抵占城國似與古不同

真臘貢獻方物象象牙蘇木胡椒黃臘犀角烏木黃花木土降香寶石孔雀翎使回令於廣東布政司管待

瓜哇國古訶陵也一日閣婆又名莆家龍在真臘之

南海中洲上舊唐書東與婆利西與墮婆登北與真臘接南臨大海宋史東至海一月汎海

半月至崑崙國西至海四十五日南至海三日汎海

五日至大食國北至海四日西北汎海十五日至渤

泥國又十五日至三佛齊國又七日至暹羅國又十日至柴歷亭抵交趾是廣州其屬國有

蘇吉丹打板打網底等國木為城有文字知星曆至

立八尺表景在宋元嘉九年始通中國後絕至唐貞

觀二十一年與墮和羅墮婆登皆遣使入貢天寶中

自閣婆遷于婆露伽斯城宋淳化三年其上穆羅茶

遣使朝貢元時始稱瓜哇世祖大舉兵征之不克後

命將史弼破其國擒酋長以歸尋放還本朝洪武

二年三月遣行人吳用賜瓜哇國王璽書曰中國正統胡人竊

據百有餘年綱常既墮冠履倒置朕是以起兵討之

垂二十年每內悉定朕奉天命已主中國恐遐邇未

聞故專報王知之使者已行聞王國人掇只某丁前

奉使于元遂至福建而元亡因來居京師朕念其久

離瓜生必深懷念今復遣人送還願去大統曆一本

王其知正朔所在必能奉若天道俾瓜哇之民安於

生理王亦未保祿位福三年其王昔里八達刺遣使

及子孫其勉圖之勿怠

朝貢納元所授宣勅二道封為國王八年二月令三

佛齊瓜哇山川之神附祭于廣東山川之次先是禮部尚書

牛諒言京都既罷祭天下山川其四夷山川亦非天

子所當躬祀乃命別議其禮以聞至是中書及禮部

奏以外夷山川附祭于各省如廣西則宜附祭安南

占城真臘暹羅鎖里廣東則宜附祭三佛齊瓜哇福

建則宜附祭日本琉球渤泥遼東則宜附祭高麗陝

西則宜附祭其肅柔甘烏思藏京城更不須祭又言

各省山川與風雲雷雨既異中南向其外夷山川神
 位宜分東西同壇共祀上可其奏命中書頒行之
 將祭則遣官一人性監其祀
 十三年十月其王八達那巴那務遣
 其使阿烈彞烈時奉金葉表入貢使者留月餘遣還
 因詔諭其國主曰聖人之治天下四海內外皆為赤
 子所以廣一視同仁之心朕君主華夷撫御之道遠
 邇無間爾邦僻居海島頃嘗遣使中國雖云修貢寔
 則慕利朕皆推誠以禮待焉前者三佛齊國王遣使
 奉表來請印綬朕嘉其慕義遣使賜之所以懷柔遠
 人爾柰何設為奸計誘使者而殺害之豈爾恃險遠
 故敢肆侮如是與今使者來本欲拘留以其父母妻

子之戀夷夏則一朕推此心特命歸國爾國王當省
 已自脩端秉誠敬毋踏前非于怒中國則可以守富
 貴其或不然自致殃咎悔將無及三十年諸番阻絕
 無商旅以三佛齊為瓜哇屬國命禮部移文暹羅轉
 達瓜哇知之後分為東西二國永樂元年九月西王
 都馬板遣使奉表朝賀即位貢五色鸚鵡孔雀及方
 物賜鈔并襲衣文綺表裏二年十月東王孛令達哈
 遣朝貢方物且奏請印章命鑄鍍金銀印賜之并賜
 鈔幣三年西王都馬板遣使奉表貢方物時其傍近
 牒里日夏羅洽金猫里三國各遣使以方物同來朝

貢俱賜文綺襲衣四年三月西王復來貢珍珠珊瑚
空青等物三月東王遣使貢馬俱賜錢鈔及幣有差
四年閏七月西王遣使朝貢且言東王不當立已擊
滅之降 詔切責五年上表請罪願償黃金六萬兩
復立字令達哈之子從之六年十二月都馬板遣使
獻黃金萬兩謝罪禮部臣言所償金尚負五萬兩宜
下法司治之 上曰朕於遠人欲其畏罪而已豈利
其金耶今既能知過所負金悉免之仍遣使賞勅諭
意并賜之鈔幣八年十二月都馬板遣使上表貢馬
及方物十一年九月遣使來貢及還 勅諭都馬板

曰前內官吳賓等還言恭事朝廷禮待勅使有加無
替比聞王以滿刺加國索舊港之地而懷疑懼朕推
誠待人若果許之必有勅諭今既無朝廷勅書王何
疑焉下人浮言慎勿聽之今賜王文綺紗羅至可領
也十三年更名楊惟西沙遣使謝恩十六年十九年
皆貢而東王久不至蓋已為所并矣天順四年八月
其王都馬班遣使奉表朝貢方物賜宴賞資之仍命
其使賫勅并綵幣表裏歸賜其王及妃自是不可考
按瓜哇疆域一統志東抵古女人國西抵三佛齊
國南抵古大食國北界占城國自占城起程順風
二十晝夜可至其國地廣人稠甲兵藥銃為東洋
諸番之雄佛書所云鬼國即此地也其港口入去

馬頭曰新村屋店連行爲市買賣商旅最衆三佛齊爲

其所并名舊港以別於新村

瓜哇貢獻方物胡椒菓菱蘇木黃臘烏爹坭金剛
子烏木番紅土薔薇露奇南香檀香麻藤香速香
降香木香乳香龍腦血竭肉豆蔻白豆蔻藤竭阿
魏蘆薈沒藥大楓子丁皮番皮鼈子悶虫藥碗石
菓澄茄烏香寶石珍珠錫西洋鐵鐵鎗摺鐵刀必
布油紅布孔雀火鷄鸚鵡玳瑁孔雀尾翠毛鶴頂
犀角象牙龜筒黃熟香安息香使回今於廣東布
政司管待

三佛齊國古干陀利也在占城之南相距五日程居
真臘瓜哇之間所管十五州其屬國有單馬令凌牙
斯蓬豐登牙儂細蘭等國其王號詹卑其人多姓蒲
梁天監元年入貢後絕唐天祐初始通中國宋建隆
初其王悉利胡大霞里遣使朝貢淳化三年冬廣州
上言其使蒲押陀黎前年來貢自京回聞本國爲闍
婆所侵即瓜住南海一年今春乘舶至占城偶風信
不利復遠乞降詔諭本國從之熙寧十年使大首領
地華伽囉來以爲保順慕化大將軍入見以金蓮花
貯珍珠龍腦撒殿元豐中使至者再廣州受其貢獻

方物表入言俟報乃護至闕下廣州舊志治平中地

入貢遇大風船幾覆至羅囉禱下天有老翁現雲端

風浪息時值儂寇鬱廣州天慶觀老君像在瓦礫中

至羅囉觀之即何所見者也及還以告地華伽羅即

遣思離沙文詣廣購材鳩工重建落成請道士羅盈

之為住持何德順為監臨施錢十萬置山田於番禺

甕塘以克常住鑄大鍾覆以樓費錢四十萬又施田

四十萬增置田於清遠連塘庄明年地華伽南渡後

羅歿剪其瓜髮送道十葬之甕塘至今祭焉

入貢不絕 本朝洪武二年二月遣行人趙述使其

國四年趙述還國王馬哈刺札八刺卜遣使隨述奉

金字表文來朝貢賜大統曆及織金紗羅文綺六年

復遣使賀正旦并貢方物八年復遣使從招諭拂菻

國朝使來貢九年其王卒遣使奉表乞紹封請印綬

命鑄駝紐鍍金銀印賜之十月 詔封其嗣子麻那

者巫里為三佛齊國王詔畧曰朕自混一區宇嘗遣

恒麻沙那阿者即稱臣入貢於有年今秋使者賈表

至知恒麻沙那阿者薨逝爾那麻者巫里以嫡子當

嗣王位不敢擅立請命於朝可謂賢矣朕嘉爾誠是

用遣使賜以三佛齊國王之印爾尚善撫邦民永為

多三十年六月以胡惟庸謀亂乃生間諜給我使臣

命禮部移文暹羅達于爪哇俾責戒焉三十年六月

國使臣客旅不通上曰洪武初海外諸番與中國

往來使臣不絕商賈便之近者安南占城真臘暹羅

瓜哇大琉球三佛齊渤尼彭亨百蘇門答刺西洋

邦哈刺等九三國以胡惟庸謀亂三佛齊乃生間

謀給我使臣至被瓜哇國王聞知其事戒飾三佛齊

禮送還朝廷是後使臣阻絕諸國王之意遂爾

廣雅釋義卷之六

卷之六

三

學允諸番國使臣來者皆以禮待之我待諸番國之意不薄但未知諸國之心若何今欲遣使諭瓜哇國備述朕意移文暹羅國王今遣人轉達瓜哇知國是禮部咨暹羅王曰自有天地以來即有君臣上下之分且有中國四夷之禮自古皆然我朝混一之初海外諸番莫不來庭豈意胡惟庸造亂三佛齊乃生間諜給我信使肆行巧詐彼豈不知大疏球王與其宰臣皆遣子弟入我中國受學皇上賜寒暑之衣有疾則命醫診之皇上之心仁義兼盡矣皇上臣以仁義待諸番國何三佛齊諸國皆大恩而失君臣之禮據有一最之上欲與中國抗衡儻皇上震怒使一偏將將上萬眾越海問罪如覆手耳何不思之甚乎皇上嘗曰安南占城真臘暹羅大琉球皆修臣職惟三佛齊梗我聲教夫智者憂未然勇者能從義彼三佛齊以暹爾之國而持奸於中國之中可謂不畏禍者矣爾暹羅國王猶守臣職我皇上眷愛如此可轉達瓜哇俾以大義告於三佛齊三佛齊係瓜哇統屬其言彼必信或能改過從三佛齊三佛齊善則與諸國咸禮遇之如初勿自疑也其後為瓜哇

所廢以其地為舊港仍立頭目以司市易永樂三年

正月遣行人譚勝受千戶楊信等往舊港招撫廣東

巡民梁道明勝受南海人洪武癸酉鄉貢進士為臨桂縣丞永樂元年二月壬子以政最召

為監察御史後以事降行人至是遣勝受及千戶楊

信等往舊港招撫南海巡民梁道明等以勝受乃其

同鄉故也時道明挈家居于彼者累年廣東福建軍

民從之者至數千人推道明為首指揮孫益嘗使海

南諸番遇道明子及二奴挾與俱來奏聞遂遣勝

受等偕二奴賁勅往招諭之十一月勝受等還以道

明及鄭伯可等來朝貢方物賜道明等襲衣及鈔百

五十錠文綺十二表裏絹七十二匹其副頭目施進

卿遂代領其衆上以勝受五年九月太監鄭和使

奏事稱肯擢浙江按察使西洋諸國還至舊港遇海賊陳祖義等遣人招諭之祖義等詐降潛謀要劫和覺之整兵隄備祖義兵至

與戰大敗之殺其黨五千餘人擒祖義等械送京師
悉斬于市諸番聞之莫不驚服是年舊港頭目施進
卿遣婿丘彥誠朝貢 詔設舊港宣慰使司命進卿
爲宣慰使賜印誥冠帶文綺紗羅後卒二十一年子
濟孫遣彥誠請襲且言印爲火所燬遂命濟孫襲宣
慰使賜紗帽釵金花帶織金文綺襲衣銀印令中官
鄭和賚往賜之自是朝貢不絕

按舊港不復爲國轄於瓜哇順風八晝夜可至由
港口入其地土沃倍於他壤民故富饒俗囂好姪
水戰甚慣其朝貢自廣東以達京師


三佛齊貢獻方物黑熊火雞孔雀五色鸚鵡諸香
兜羅綿被苾布白獺龜筒胡椒肉豆蔻番油子米
腦洪武中使回於廣東布政司管待永樂後改宣
慰使司罕至廣州

暹羅國本暹與羅斛二國地古赤土及婆羅剎也在
占城極南北直廉州循海北岸連于交趾暹國土瘠
不宜耕藝羅斛土田平衍而多稼暹人歲仰給之隋
大業三年屯田主事常駿等自南海郡乘舟使赤土
至今訛傳爲赤眉遺種後改曰暹元元貞初暹人嘗
遣使入貢至正間暹始降於羅斛而合爲一國 本

朝洪武初暹羅斛國王參烈昭昆牙遣使朝貢進金
葉表 詔賜大統曆七年三月暹羅斛國使臣沙里
拔來朝貢方物自言本國令其同柰思里儕刺悉識
替入貢去年八月舟次烏諸洋遭風壞舟漂至海南
達本處官司收獲漂餘蘇木降香兜羅錦等物來獻
省臣以奏 上恠其無表狀詭言丹覆而方物乃有
存者疑必番商也命却之 詔中書禮部曰古者中
國諸侯於天子比年一小聘三年一大聘九州之外
番邦遠國則每世一朝其所貢方物不過表誠敬而
已高麗稍近中國頗有文物禮樂與他番異是以命

依三年一聘之禮彼若就每世一見亦從其意其他
遠國如占城安南西洋瑣里瓜哇淳尼三佛齊暹羅
斛真臘等處新附國土入貢旣煩勞費甚大朕不欲
也令遵古典而行不必頻煩其移文使諸國知之後
其子參烈實昆牙噠哩哆囉祿紹封九年九月其王
遣子昭祿辭膺奉表貢象及方物賜詔褒諭王諭暹國
國子民非上天之明命 后土之洪恩曷能若是
華夷雖聞樂元之樂率土皆然若爲人上能體上
帝好生之德協和人神則祿給世世無間矣爾哆囉
祿自嗣王位以來內修齊家之道外造睦鄰之方况
數遣使中國稱臣入貢以方今時王言之其哆囉祿
可謂賢德矣豈不名播諸番今年秋貢象至朝朕遣
使往諭特賜暹國之印及衣一襲爾當善二十年七
撫邦民永爲多福故茲詔諭想宜知悉

月暹羅斛國貢胡椒一萬斤蘇木十萬斤二十八年
 十二月 詔遣內使趙達宋福等使暹羅斛國祭故
 王叅烈實昆牙思哩哆囉祿賜嗣王蘇門那王昭祿
 群膺文綺四疋羅四疋毳絲布四十疋王妃文綺四
 疋羅四疋毳絲布十二疋勅諭之曰朕自即位以來
命使出疆周于四
維歷邦國足履其境者三十六聲聞于耳者三十一
風殊俗異大國十有八小國百四十九較之於今暹
羅為最近邇者使至知爾先王已逝王紹先王之緒
有道於家邦臣民歡懌茲特遣人祭已故者慶王紹
位有道勅至其罔失法度爾永樂元年遣使朝貢賀
淫于樂以光前烈其敬之哉
 即位自是其國止稱暹羅國二年其王昭祿群膺哆
 囉諦刺遣使坤文琨表貢方物遣內官李興等賞勅



勞之并賜文綺鈔帛四年二月復遣使柰必表貢方
 物 詔賜古今列女傳且以量衡為中國式從之七
 年正月遣使奉儀物致祭 仁孝皇后命中宮官以
 告几筵九月復遣使坤文琨等表貢方物賜鈔幣遣
 之時南海人何八觀等流移海島遂入暹羅至是因
 文琨歸 上令諭其國王遣八觀等還毋納逋迯以
 取罪戾并賜其王金織紵絲紗羅絨錦八年遣使貢
 馬及方物并送中國流移人還賜勅勞之并賜綵幣
 十年十二月復來朝貢十三年五月昭祿群膺哆囉
 諦刺卒其子三賴波磨札刺的賴紹封十七年十月

遣使諭暹羅國王俾與蒲刺加平勅諭三賴波磨刺

天命君主華夷體天地好生之心為治一視同仁無

間彼此王能敬天事大修職奉貢朕心所嘉蓋非一

日此者病刺加國王亦思罕答兒沙嗣立能繼乃父

之志躬率妻子詣闕朝貢其事大之誠與王無異然

聞王無故欲加之兵夫兵者凶器兩兵相鬪勢必俱

傷故好兵非仁者之心况滿刺加國王既已內屬則

為朝廷之臣彼如有過當申理於朝廷不務出此而

輒加兵是不有朝廷矣此必非王之意或者王左右

假王之名并兵以逞私忿王深思勿為所惑輯睦

鄰國無相侵越並受其福豈有窮哉王其留意焉

十八年四月遣使入貢方物賜之鈔幣仍遣中官楊

敏等護送還國仍賜其王錦綺紗羅等物十九年三

月遣使柰懷等六十人貢方物謝侵滿刺加國之罪

賜鈔幣有差十九年七月復入貢二十一年三月遣

使坤梅貢方物賜之鈔幣洪熙宣德以後入貢猶如

常期正統景泰間貢或不常成化迄今六率六年一

貢近惟嘉靖三十二年八月遣使坤隨離等貢白象

及方物白象已斃遺象牙一枝長八寸首尾痛金起

珠十顆寶石四顆尾大二寸痛金剛鑽一顆金盒內

貯白象尾毛為證又象牙一十九枝共三百五十斤

烏木三十七株共二千六百斤樹香六百斤藤黃四

百八十八斤大楓子五百八十八斤紫梗三百斤速香二

七年八月遣使坤應命等貢方物象牙三百斤樹香

六百斤蘇木一萬四千二百斤

一百五十斤速香三百一十斤白豆蔻三十斤蘇木

一萬三千二百斤胡椒四百五十斤烏木二千八百

斤大楓子其抵舊獻頗似不同

五百斤

按赤土疆域止與暹羅同東波羅刺國西婆羅娑
國南訶羅旦國北距大海地方數千里隋時常駿
自南海郡水行晝夜二旬每值便風至焦石山而
過東南泊陵伽鉢拔多洲西與林邑相對上有神
祠焉又南行至師子石自是島嶼連接又行二三
日西望見狼牙須國之山於是南達鷄籠島至於
赤上之界林邑今占城星槎勝覽云自占城順風
十晝夜可至是也

暹羅貢獻方物象牙犀角孔雀尾翠毛龜筒六
足龜寶石珊瑚金界指片腦米腦棟腦腦油腦柴
檀香速香安息香黃熟香降真香羅斛香乳香樹
香木香烏香丁香阿魏薔薇水丁皮玳石柴梗藤
竭藤黃硫黃沒藥烏爹泥肉豆蔻胡椒白豆蔻單
撥蘇木烏木大楓子苾布油紅布白纏頭布紅撒
哈刺布紅地紋節智布紅杜花頭布紅邊白暗花
布乍連花布烏邊葱白暗花布細棋子花布織人
象花文打布西洋布織花紅絲打布剪絨絲雜色
紅花被面織雜絲竹布紅花絲手巾織人象雜色
紅文絲縵使回令於廣東布政司管待

蒲刺加國古哥羅富沙也漢特嘗通中國後爲頓遜

所羈屬頓遜在海崎山上地方千里城去海十里有五王並羈屬扶南去扶南可二千里東界通交州即古哥羅富沙也其西界接天竺徼外諸國其國城接閩婆故又名大閩婆今稱重迦羅東有百里地故其處舊不稱國自舊港順風八晝夜可至其國
 傍海山孤人少受羈屬於暹羅每歲輸金四十兩為稅
 本朝永樂三年其王西利八兒速刺遣使奉金葉表文來朝貢七年命正使太監鄭和等統官兵二萬七千餘人駕海舶四十八艘往諸番夷開讀賞賜詔封為蒲刺加國王賜銀印冠帶袍服且建碑立界暹羅始不敢侵擾九年七月嗣王拜里迷蘇刺率其妻子及陪臣五百四十餘人來朝
 上聞之念其輕

去鄉土跋涉海道即遣中官海壽禮部郎中黃裳等往宴勞之復命有司供張會同館既至奉表入見并獻方物
 上御奉天門宴勞之別宴王妃及陪臣等仍命光祿寺日給牲牢上尊命禮部賜王金繡龍衣二襲麒麟衣一襲及金銀器皿帷幔裯褥賜王妃八兒迷速里及其子姪陪臣僮從文綺紗羅襲衣有差及出就會同館復賜宴焉八月賜其王金相王帶儀仗鞍馬并賜王妃冠服九月拜里迷蘇刺辭歸錫宴于奉天門別宴王妃陪臣等賜勅勞王厚賜之并及其妻子陪臣勅曰王步海數萬里至京師坦然無虞蓋王之忠誠神明所祐朕與王相見甚

高麗通志卷之

卷之

三

驩固當且留但國人在望宜件慰之今天氣向寒順
風南帆實維厥時王途中善飲食善調護以副朕瞻
念之懷今賜王金相王帶一儀仗一副鞍馬二匹黃
金百兩白金五百兩鈔四十萬貫銅錢二千六百貫
錦綺紗羅二百匹絹千匹渾金文綺二金織通袖膝
襪二王其受之入賜王妃冠服一副白金二百兩鈔
五千貫錦綺紗羅絹六十匹金織文綺紗羅衣四襲
賜王子姪冠帶其陪臣等各賜白金鈔錢綵幣有差
復命禮部宴餞于龍江驛仍賜宴于龍潭驛十二年
國王母來宴賜如王妃二十年三月其王西哩麻哈
刺率其妃及頭目來朝貢方物以父歿新嗣位故也
宣德九年國王復來天順三年國王無答佛鄂沙卒
其子蘇丹茫速沙請命復遣使冊封自建國以來朝
貢至今不絕

按蒲刺加疆域在占城國南其朝貢自廣東以達

京師

滿刺加貢獻方物番小斲犀角象牙玳瑁鶴頂鸚
鵡黑熊白麀鑽袂金母鶴頂金相戒指撒哈刺白
苾布薑黃布撒都細布西洋布花縵片腦梔子花
薔薇露沉香乳香黃連香金銀香降真香紫檀香
丁香
蘇木大楓子番錫番鹽使回令於廣東
布政司管待

蘇門答刺國古今也一日須文達那自滿刺加順
風九晝一夜可至其西去一程有龍涎嶼獨峙

南巫里洋之中每至春間群龍交戲於上遺涎則國
 人駕獨木舟採之以為香一斤值其國金錢一百九
 十二枚准中國銅錢九千文星槎勝覽採之或遇風
 舟旁一手挹水而得至岸其龍涎初若脂膠黑黃色
 頗有魚腥氣六則成大塊或大魚腹中刺出若斗大
 亦覺魚腥焚之清香可愛貨於蘇門答刺之市官秤
 一兩用彼國金錢十二枚一斤則一百九十二枚也
 遊官紀聞諸香中龍涎最貴重廣州市不下五六
 十千乃番中禁推之物出大食國近海傍常有雲氣
 出草山間即知有龍蟄其下土人更相守之俟雲散
 則知龍已去往觀必得龍涎入香合和能收斂腦麝
 清氣雖經數十年香味仍在得其真者和香焚之則
 翠烟浮空結而不散或言涎沫有三品一曰泚水二
 曰參沙三曰魚食泚水則輕浮水面善水者伺龍出
 汝隨而取之參沙則凝積多年氣味盡滲於沙中魚
 食則化糞散於沙磧惟泚水者可入香用○嘉靖二
 十四年三月司禮監傳奉 聖諭你部裏作速訪賣

沉香一千斤紫色降真香三千斤龍涎香一百斤即
 日來用就令在京訪買已得沉香降香進訖尚有龍
 涎香出示京城採買未得奏行浙江等十三省及各
 沿海番舶等處收買本年八月戶部文移司又奉
 撫按牌案行催再照前香每斤給銀一千二百兩三
 十四年巡撫鈞牌發浮深縣商人汪弘等到司責差
 綱紀何處德領同前去番船訪買陸續得香共十一
 兩差官千戶朱世威於本年十月送驗會本進奉
 聖旨既驗不同姑且收入今後務以真香進用欽此
 欽遵行司又據見監廣州府斬罪犯人馬那別的等
 告送龍涎香一兩三錢褐黑色及有密地都密地山
 夷屬採有褐白色六兩各夷說稱褐黑色者採在水
 褐白色者採在山又據密地都周鳴和等送香辨驗
 真正共一十七兩二錢五分責差千戶張鸞三十五
 年八月送驗會本起進奉 聖 洪武間遣使奉金葉
 旨這香內辨是真留用欽此
 表貢馬并方物國名須永樂三年酋長宰奴里阿必
 丁隨中官尹慶朝貢封為蘇門答刺國王給印及

誥五年嗣王鎖丹罕阿必鎮遣使阿里來朝并貢方物宣德六年復來貢十年復請封其子爲王初太監鄭和奉使至蘇門答刺僞王蘇幹刺方謀殺宰奴里阿必丁以奪其位且怨使臣賜不及已領兵數萬邀擊官軍和率衆及其國兵與戰蘇幹刺敗走追至喃勃國并其妻子俘之以歸永樂十三年九月獻于行在以大逆不道伏誅諸番震服

按大食疆域在占城之西洋中南接日連所居賓童龍國東北接雪山葱嶺皆佛境也西北與大秦相隣爲其統屬宋初與占城通貢南唐遂達于宋

淳化四年舶主蒲希密得廣州蕃長寄書招諭遂至南海以老病不能詣闕乃以方物來獻其表有曰涉歷龍王之宮瞻望天帝之境庶遵玄化以慰宿心今則雖屈五羊之城猶餘雙鳳之闕則是射利寓廣今色目蒲姓者是其裔也後與賓童龍國使來朝入貢陸路繇沙州恐爲西人鈔畧乃詔自今取海路繇廣州至京師自是朝貢不絕熙寧中其使辛押陁羅乞統察蕃長司公事詔廣州裁度又進銀錢助修廣州城不許歸國被誅見蘇黃門龍川畧志其後分部領爲勿斯離弼琶囉勿跋等

國蘇門答刺則出龍涎香者也布那姑兒則產硫黃者也又有層檀國在南海傍城距海二十里熙寧四年始入貢順風行百六十日經勿巡古林三佛齊國乃至廣州多產香藥其風俗語音與大食同

蘇門答刺貢獻方物馬犀牛龍涎香撒哈刺梭眠布寶石木香丁香降真香沉速香胡椒蘇木錫水晶瑪瑙番刀番弓石青回回青硫黃使回令於廣東布政司管待

錫蘭山國古狼牙須也自蘇門答刺順風十二晝夜

可至其國地廣人稠貨物多聚亞於瓜哇中有高山上產鴉鶻寶石每遇大雨衝流山下沙中拾取之隋常駿至林邑極西望見焉番語謂高山為錫蘭因名相傳釋迦從翠藍嶼來嶼在龍涎西此五晝夜程登此山猶存足

跡山下有寺中貯釋迦涅槃真身側臥及舍利子牙

脩國梁時通馬在南海中其界東西三十日南此二十日行北去廣州二萬四千里恐即此國本朝

永樂七年詔諭其王亞烈苦奈兒遣太監鄭和等齎詔勅金銀供噐綵粧織金寶幡布施於寺及建石碑賞賜國王頭目有差亞烈苦奈兒負固不恭謀害舟師和即潛備先發制之使象銜枚疾走夜半聞砲則

奮擊而入生擒其王永樂九年歸獻闕下 上命擇

其支屬賢者立之禮部言詢其國人皆謂耶巴乃那

賢十年九月遂遣使賚詔及誥印封之誥曰朕統承先皇帝鴻業

撫馭羣夷嘉與萬方同臻至治錫蘭山亞烈苦奈兒

近處海島素蓄禍心毒虐下人結怨鄰境朕嘗遣使

詔諭諸番國至錫蘭山其亞烈苦奈兒敢違天道傲

慢弗恭逞其兇逆謀殺朝使天厭其惡適被擒俘朕

念國中軍民皆朕赤子命簡賢能為之統屬爾耶巴

乃那脩德好善為衆所推今特封爾為錫蘭山國王

於戲惟誠敬可以立身惟仁厚可以撫衆惟忠可以

事上惟信可以睦隣爾其欽承朕命永崇天道無怠

無驕暨于孫世享時群臣皆請誅亞烈苦奈兒 上

無疆之福欽哉 曰蠻夷禽獸耳不足深誅遂赦之亦遣歸時國人立

不刺葛麻巴思刺查為王詔諭使遜位十四年十一

月借古城瓜哇滿刺加蘇門答刺南巫里沙里灣泥

彭亨古里木骨都東溜山洋喃勃利卜刺哇阿丹麻

林刺撒忽魯謨斯柯枝諸國及舊港宣慰司各遣使

貢馬及犀象方物遣鄭和等賚勅及錦綺紗羅綵絹

等物偕往賜各國王正統十年國王遣使耶把刺謨

的里啞等來朝貢方物天順三年其王葛力生夏刺

昔利把交刺惹復遣使來貢

按錫蘭山疆域在西洋與柯枝國對峙南以別羅

里為界自別羅里南去順風七晝夜可至溜山洋

國十晝夜可至古里國二十一晝夜可至小刺哇

國柯枝接大小葛蘭二國山連赤上自小葛蘭順風二十晝夜可至木骨都東國自古里順風十晝夜可至忽魯謨斯國二十晝夜可至刺徹國二十晝夜可至阿丹國又自忽魯謨斯四十晝夜可至天方國乃西洋之盡處也

中朝貢

錫蘭山貢獻方物象寶石珊瑚水晶金戒指撒哈刺乳香木香土檀香沒藥西洋細布藤竭盧會硫黃烏木胡椒碗石使回令於廣東布政司管待

佛朗機國在瓜哇南古無可考舊志濠利國在廣州東南海中洲上去廣

州二月程其王姓憐陳如隋大業中遣使入貢又有後和國在真臘之南自廣州西南水行百日至其地正相對古之狼徐鬼國分東西二洲皆能食人瓜性之先鬼啖人肉即此國也佛朗機亦與相對云未樂十年九月喃勃利國王馬哈麻沙遣使貢物或亦波利之更名但皆疑似無他證據姑附於此

不通中國正德十二年駕大舶至廣州澳口鏡聲如雷以進貢請封為名右布政使兼按察副使吳廷舉許其進貢撫按查無會典舊例不行遂退泊東莞南頭徑自蓋房樹柵恃火鏡以自固有至部者不行跪禮朝見欲位先諸夷御史丘道隆何鰲前後具奏皆言其殘逆稱雄逐其國主似是喃勃利逆臣先年潛遣火者亞三假克滿刺加國遣禮使臣風飄到澳往來窺

伺熟我道途略買小兒烹而食之近日滿刺加國王
奏其奪國警終等情屠掠之禍漸不可長宜即驅逐
嚴禁私通仍將所造房屋城寨盡行拆毀重加究治
買賣工匠人等以私通外夷之罪 詔皆從之誅其
首惡火者亞三等命撫按檄守巡備倭官軍驅其餘
黨出境海道副使汪鉉帥兵至猶據險逆戰商人鑿
舟用策乃悉擒之餘皆逃去瓜哇山叢談佛朗機國在
瓜哇國之南二國用鏡
形製同但佛朗機鏡大瓜哇鏡小國人之甚精小
者可擊雀中國人用之稍不戒則擊去數指或斷一
掌一臂鏡制須長若短則去不遠穴須圓滑若有歪
邪帶碍則彈發不止惟宋鏡人遠之與希制同餘造
者往往短而無用嘉靖初佛朗機國遣使來貢初至
行使皆金錢後乃覺之其人好食小兒云在其國惟

國王得食之臣僚以下不能得也至是潛市十餘歲
小兒食之每一兒市金錢百文廣之惡少掠小兒競
趨之所食無筭其法以巨鑊煎滾沸湯以鐵籠盛小
兒置之鑊上蒸之出汗盡乃取出用鐵刷刷去苦皮
其兒猶活乃殺而剖其腹去腸胃蒸食之居二三年
兒被掠益衆遠近患之海道汪鉉以兵逐之不肯去
反用鏡擊敗我兵由是入望而畏之不敢近或獻計
使善水者入水鑿沉其舟盡擒之汪鉉由此薦用後
為南贛巡撫以進甘露召入總督憲事父之轉吏部
尚書會北虜吉囊入寇鉉建議請頒佛朗機鏡於邊
鎮凡城鎮關隘墩臺缺口皆用此以禦寇 詔從其
議下所司施行至今三邊賴其用然鉉奏疏詞語諄
復可厭兵部郎中吳縉雲卿見而笑之鉉聞之怒黜
為銅仁府知府或戲之曰君被一佛朗機打到銅仁
府嘉靖中黨類更番往來私舶雜諸夷中為交易首
領人皆高鼻白皙廣人能辨識之遊魚洲諸快艇多
掠小口往賣之三山疊滄背底水等鄉村以至諸澳

拐誘惡少日繁有徒甚至官軍商紀亦與交通云

廣州船舶往諸番出虎頭門始入大洋分東西二路

東洋差近周歲即回船有鶴西洋差遠兩歲一回船

珍珠胡宋於中路置巡海水師營壘在海東口

至屯門山二百里沿舳魚入海戰艦其地南至大海口

四十里東至惠州四百二十里西至端州二百四十

里南至恩州七百五十里今為東莞縣南頭城東南

北至韶州二百五十里海路二百里至屯門山水皆淺日可乃順帆風西行

二日至九州石又南二日至象石一作東風西南

州又西南行三日至占不勞山在占城東二百里海

又南二日至陵山星槎勝覽作靈山其山峻而方有

泉下繞如帶甚甜居民星散結網

為皆占城境也陸行至賓童國一月程東去麻逸國

二日程一名摩逸去淳泥三十日程太平興水行一

日至東西崑崙洋唐書作門毒國又一日行至古直國則

真臘也王號直屈又半日行至奔陀浪洲自占臘西五十

其國東北至廣州又二日行至軍突弄山又五日行

至海峽番人謂之質南北百里北岸則羅越國一名羅

今為羅南岸則佛逝國占城又東水行四日至訶陵

今瓜哇南中洲之最大者又西出硤三日至葛葛僧

祇國在佛逝西北隅之別島國人多鈔泉乘船者多

畏之疑此即其北岸則阿羅國一名阿羅陀阿羅西

則阿谷羅國一名阿羅又從葛葛僧祇四五日行至婆

露國一名阿魯又六日行至婆那國一名須伽藍洲一名

嶼又北四日行至師子國在西洋之西隣多師子故

即大其北岸距南天竺一大岸百里有伽藍洲行二十

日至榜葛刺國則西天竺也一日西印度乃釋伽得

道之所海口有察地港番商於此抽分云天竺之西

千五百里有注輦國至宋大中祥符八年其王羅茶

羅乍始遣使入貢其使言離木國舟行七十七日歷

鄒勿丹山娑里西蘭山至古羅國以古羅山得名又行七十

一日歷加入山占不勞山舟寶龍山至三佛齊國又

行十八日度巒山水口歷天竺山至賓頭狼山之黃

西王母塚距舟所將百里又行二十日度羊山九長

山至廣州之琵琶洲離本國凡千一百五十日至廣

州焉今按天方國有四方寺宋史注輦國有四方城佛

即阿子國不可知也雷州控入海水路東至海三十

里海路從海州東北陸行二十五里抵譚源泛海至

羅場吳川縣通江水從自化州下水至海口四日

程從州東至海三十里渡海抵化州界地名硎洲入

思廣州通閩浙從州東南陸行一百四十五里抵海

至諸番國從州南陸行一百七十四里至迤角場抵

海南泛海一程可至瓊州從州西陸行一百五十里
泛海水路至安南諸番國故諸番船雖東洋琉球等
國被風漂多至瓊州瓊州東至海一百二十里其南
崖州去海益近云

黃帝時南夷乘白鹿來獻鬯及褐裘唐堯南撫交趾

三苗來賓虞舜時僬僥氏來貢沒羽蠻夷率服禹貢

甸服之外侯服侯服之外五百里綏服四面皆三百

里揆文教接於侯服則使諸侯揆文教以文為教二百里奮

武衛接於要服則使諸侯奮武衛以武為主綏服之外五百

里要服四面皆二百里夷夷謂東西南北之外夷也

青州嶠夷既略萊夷厥絲徐州淮夷蠙珠暨魚南則揚州島夷卉服西則梁州和夷底績二百里

蔡蔡放也左傳曰蔡蔡叔放罪人於夷境要服之外

五百里荒服四面皆三百里蠻入蠻謂天竺咳首雉

軹旁二百里流流如水之去而不返也後世夏成五

服外薄四海南海魚革珠璣大貝商伊尹正四方獻

令正東越漚鬢髮文身漚越文身斷髮東吳令以魚

皮之鞞較蔽利劍為獻鞞刀削也蔽與盾同較正南

甌鄧桂國損子產里百濮九菌甌與漚同甌駱也鄧

曼姓荆南蠻崗也桂林八樹在番禺東損子產謂食
首產子蠻也里音黎今呼為俚人百濮見左傳九菌
未令以珠璣瑁象齒犀翠羽菌鶴矩狗為獻璣似

珠而小菌鶴可用為旌繫矩狗狗之善者也正西昆侖狗國枳已闌耳貫

胸雕題漆齒或貢織皮昆侖今西洋之達葱嶺狗國

耳即離耳也貫胸其人胸有竅雕題今以丹青白旄

自南而居西洋者漆齒一名黑齒國丹青謂南海曾青于西海有

紕罽龍角神龜為獻丹青謂南海曾青于西海有

出西正北空同大夏莎車代翟匈奴樓煩月氏此皆

胡虜並見史記兩漢書今鞞鞞回回色日之屬令以囊駝白玉野馬騊駼馱

馱良弓為獻物產在北湯曰善

成周王會人蟬蛇今臨海永嘉即東甌也於越納

納貢也泛言凡物皆有且甌文蜃今廣西駱越之地

于越自浙至江右皆是越則甌人也又正南甌則駱共人文貝吳越之蠻曰

越也溫甌通用文蜃大蛤也

貝海大蟲也每陽太蟹海水之陽今產龜蚌之自深

今之海賦桂自深南蠻各桂會稽以鞞鬣皮可蠻揚之翟揚州

桂今出桂州韶州會稽以鞞鬣皮可蠻揚之翟揚州

崔山倉吾翡翠翡翠者所以取羽倉吾今蒼梧也翡翠

南人致衆者皆北嚮海南南越也五嶺之南至

漢時朱崖南有都元湛離甘都盧黃支等國近者十

餘日遠至四五月程其俗畧與朱崖相類其州境廣

大戶口蕃滋多異物漢武帝時常遣應募人與其使

俱入海市明珠璧琉璃奇石異物齎黃金雜繒而往

所至國皆廩食為耦蠻夷賈船轉送致之外夷珍貨

流入中國始此市舶錄劉向日獨檣船深五十餘肘

三木船深十五餘肘西域以肘為度

後漢光武時交趾日南徼外蠻來貢馬援建銅柱後
 西屠夷亦改國名哥羅屬于扶南自是各國名屢易
 矣日南象林蠻屢叛復降而區憐一作竟據林邑以
 林之昔違中國習俗文字漸與婆羅門同而佛書遂
 至桓帝時扶南之西天竺大秦等國皆由南海重譯
 貢獻而賈胡自此充斥於揚粵矣其貢璆琅象齒古
 貝抽名其葉盛時如鷲毳沉木香土人破斷積以歲
 在置水則沉故曰沉抽以績紡作布潔白琥珀年朽爛而心節獨
 香不沉者曰棧香玳瑁松脂入地成獸則馴象玄犀
 猩猩之屬多不可殫紀

吳孫權遣宣化從事朱應中郎康泰使諸番國其所

經及傳聞則有數百國泰立記傳謂之扶南土俗曰
 蒲盧中曰優鉢曰橫跌曰諸薄曰比櫛曰濱那專曰
 烏文曰斯調曰赫陽曰馬五洲曰薄歎洲曰耽蘭洲
 曰巨延洲其後歷代更變非復舊名矣
 晉武帝平吳林邑扶南入貢之後曰牟羅曰橫盧曰
 木利曰卑離曰蒲都曰繆余曰沙樓曰蒲林皆昔所
 未聞也宋齊至者師子毗加梨干陀利闍婆蒲黃阿
 羅陀阿羅單婆皇狼牙脩槃槃頓遜等益有十餘國
 梁武帝時婆利丹丹毗騫始通毗騫王身長三丈頸
 長三尺自古以來不死知神聖未然之事其子孫則

生死如常人隋使通赤土致羅刹其國在婆利之東
其人極陋朱髮黑身獸牙鷹爪蓋佛書所謂長身金
剛夜叉羅刹即此物也他若投和邊斗之屬貢於隋
者益多其貢大氏金寶香藥等物亦有獻佛牙舍利
者皆奉婆羅門之教故也

唐始置市舶使以嶺南帥臣監領之設市區令蠻夷
來貢者為市稍收利入官凡舟之來最大者為獨檣
舶能載一千婆蘭胡人謂二百斤為一婆蘭次日牛頭舶比獨檣
得三之一又次日三木舶日料河舶通得三之一貞
觀十七年詔三路舶司番商販到龍腦沉香丁香白

豆蔻四色並抽解一分武后時都督路元敲冒取番
酋貨船酋不勝忿殺之開元初市舶使周慶立與波
斯僧造奇巧以進劾罷又罷遣使者之南海求珠翠
者開元四年有胡人上言海南多珠翠奇寶可在營
致因言市舶之利又欲往師子國求靈藥及善醫
之姬寘之宮掖上命監察御史楊範臣與胡人偕往
來之範臣從容奏曰陛下前年焚珠玉錦繡示不復
用今所求者何以異於所焚者乎彼市舶與商賈爭
利始非王者之體胡藥之性中國多不能知况於胡
姬豈宜寘之宮掖夫御史天子耳目之官必有軍國
大事臣雖觸冒災瘴死不敢辭此特胡人眩惑求媚
無益聖德竊恐非陛下之意願熟後於廣州設結好
思之上遽自引咎慰諭而罷之使每番舶至則審事宜以聞文苑英華裴元奏廣
州結好使專由奉詔書
謝恩狀右臣伏奉某月日手詔令臣速具前件寫本
未傳由聞奏臣去月日謹具某官歸本道事以聞某

廣德元年
文苑英華
裴元奏廣
州結好使
專由奉詔
書

月日奏官至伏奉某月日手詔所奏某官尋赴廣州
事官具詳本末想宜知悉者臣伏以綸綍下於紫霄
明命光於滄海榮深感極寵治心驚周章失圖歡惕
交集願臣鄙劣忝寄藩維無補涓埃累更涼燠剗茲
地遠故望恩加日月照臨之明無幽不燭乾坤生成
之德在物莫遺豈期奏報嘗儀特降詔書慰撫事逾
等列喜萬恒情伏以軒墀一遠歲序三變謬職愧深
於星瑤荷恩思拜於彤庭願清列於班行義冠劍而
何日守炎荒之遐服其瘴癘以嬰身懷死節之册誠
願生還于絳闕每承存論之命更切攀戀之心臣不
勝感恩歡躍是時諸番多所更改林邑號環王而陸
真臘亦號文單皆嘗犯邊元和中安南都護張舟擊
敗之乃復銅柱以正疆場於是貢琛溢于王府其後
節度使馬總又鑄二柱以繼之貞元時波斯古羅二
國入貢多珍物節度使王處休奉宣威德撫令市易

常供外一無所取乃為使院圖表進其言有曰海門
之外隱若敵國資忠履信貽厥將來時稱得體其後
以軍興漸加市稅太和中文宗下詔除之

宋開寶四年置市舶司於廣州以知州兼使通判兼
判官淳化二年始立抽解二分凡諸番之在南海者
並通貨以金錫緡金
易其犀象珊瑚琥珀珠非鐵鬣皮瑇瑁瑪瑙車渠
水精番布烏楠蘇木胡椒香藥等物太宗置榷務司
京師詔諸番貨至廣州非出官庫者無得私相貿易
其後又詔非珍奇物皆聽市後又詔他貨之良者亦
聽市其半大抵海舶至征其什一而給其餘太平興
價直歲入以數十鉅萬計縣官經費有助焉
國三年李昌齡知廣州廣有海舶之饒昌齡不能以
廉自守淳化二年代還昌齡上言廣州市舶每歲商

廣州市舶每歲商

廣州市舶每歲商

廣州市舶每歲商

船至官盡增價買之良苦相雜少利自今請擇其良者如價給之苦者恣其賣勿禁熙寧中廣州市舶歲課虧折或以為市易司擾之故令提舉究詰以聞於是務官呂邈以闌取番物効免後以言者罷杭明市舶諸司皆隸廣州元豐三年中書言廣船已修定條約宜選官推行詔廣東以轉運使孫迥罷帥臣兼領文觀元年復置浙廣福建三路市舶提舉官杭明仍復置司又增一司三年番商欲往他郡者從舶司給券毋雜禁物其防船兵仗給之如諸國法船舶司醫所市物毋得過二分官吏市者有禁政和四年詔廣南市舶

司歲貢珍珠犀角象齒建炎元年詔市舶多以無用之物耗費國用取悅權近自今有以篤耨香指環瑪瑙貓兒眼睛之類博買前來及有虧番商者重治其罪皆寘于法惟賜巨寮象笏犀帶可者量令輸送舊法番物分麤細二色龍腦珍珠之類皆為細色十分抽一後又博買四分麤色十分抽二又博買四分抽買既多商人多匿其細者弗實舊法細色以五千兩為一網麤色以萬斤為一網每逢一網則有脚乘贖家錢一干餘緡其後部運者詭以象犀紫曠之類以昌脚乘而舊日一網至分為三十三網多費脚乘家贖錢三千紹興二十七年詔廣南經畧市舶司察番商假托入貢隆興初臣寮以象齒珠犀比他貨最重請十分抽一罷博買乾道初臣寮又言福建廣南皆有

廣東通志卷之六

市舶

三

市舶物貨浩瀚置官提舉實宜乾道七年詔鑄色貨物以二萬斤為一綱加耗六百斤依舊支破水脚錢一千六百六十二貫有奇南渡後經費困之一切倚辦海舶歲入固不少然金銀銅鐵錢幣亦用是漏泄外境而錢之淳熙二泄尤甚法禁雖嚴姦巧愈密其弊卒不可禁

元世祖嘗立提舉司尋罷至英宗治平六年遣使權廣東番貨乃復立之聽海商貿易歸徵其稅順帝元

統六年罷廣東提舉二司至正二年復立廣東提舉司申嚴市舶之禁三年聽海商貿易歸徵其稅濯纓亭筆

記宋末沈敬之逃占城乞兵興復占城以國小辭敬之效秦庭之哭而不得歸占城賓之而不臣敬之竟憂憤發病卒其王作詩挽之曰慟哭江南老鉅卿春風濕淚為傷情無端天下編年月致使人間有死生

萬疊白雲遮故國一杯黃土蓋香名英魂好逐東流去莫向邊隅怨不平夫占城以島夷知重節義如此及元主中國四夷抗拒雖屢征不貢倭奴猶曰汝夷也我亦夷也何貢之有我朝龍興歸順恐後夷狄有君信哉

本朝除元亂大一統諸番例當三年一貢世見來王許以互市立市舶提舉司以主諸番入貢舊制應入貢番先給與符簿凡及至三司與合符視其表文方物無偽乃津送入京若國王王妃陪臣等附至貨物抽其十分之五其餘官給之直暹羅瓜哇二國免抽其番商私齎貨物入為易市者舟至水次悉封籍之抽其十二乃聽貿易然閩廣姦民往往有椎髻耳環

効番衣服聲音入其船中導之為奸因緣鈔暴傍海

甚苦之舊志凡東洋交易多用絲紵倭國尤為兇很商人畏之回易鶴頂等物西洋交易多用廣

貨回易胡椒等物其貴細者往往滿船若暹羅產蘇木地悶產檀香其餘香貨各國皆有之若沉香有黃

沉烏角沉至貴者蠟沉削之則卷爵之則柔皆極枯其根所結惟奇南木乃沉之生結若犀角有烏犀花

犀通天犀復通犀花犀者白地黑花通天犀黑地白花復通犀則通天犀白花中復有黑花此皆希世之

貴也鶴頂龜筒珠珀見說可合為犀角不苟合故公服以玉與犀為帶貴其不苟合之義也

洪武三年五月遣使頒科舉詔于安南占城以其通

中國文字也諸番莫不畏威懷德自是朝貢不絕亦

有不及期而貢獻者永樂改元遣使四出招諭諸番

貢獻畢至奇貨重寶前所未有乃命內臣監鎮市舶

設公館于城南水濬

改建于郡西仙湖

今為分三守道

年九月大理寺少卿卜衣輔初為湖廣副使坐事降

行人至是奉使西南諸番暹羅爪哇以至西洋古里

諸國還京奏事稱旨擢廣東按察使內臣侯顯鄭和

等偕行人往返番王皆厚禮之四年六月廣東布政

司奏每歲海外番夷入貢方物水路以舟楫運載惟

南雄至南安限隔梅嶺舟楫不通自今請用民力接

運上曰為君務養民今番貢無定期而農民少暇

日假令自春至秋番夷入貢不絕皆役民接運豈不

妨其農事自今番夷入貢如值農務之時其方物並

於南雄收貯俟十一月農隙却令運赴南安著為令
 復顧侍臣曰民不失其養雖勞之鮮然民夫所養雖
 休之不德八月置懷遠驛于廣州城覬子步創房一
 百二十間以居番人隸市舶提舉司然內官總貨提
 舉官吏惟領簿而已有當出福建而被風漂舟至者
 如渤泥本閩婆屬國在西南大海中去瓜哇四十五日程去三佛齊四十一日程去占城三十日程
 永樂四年其流求在東洋大海中當建安郡東水行五日而至隋大業中遣將率兵自
 義安浮海擊之義安今潮州也洪武中分每加收郵
 大小琉球朝貢甚恭官生常入太學受業
 他若喃勃利新附諸國亦有隨舶至廣州者正統十
 年按察副使章格巡視海道時流求使臣蔡璇等率

數人以方物買賣鄰國風漂至香山港守備當以海
 寇欲戮之以為功格不可為之辯奏還其貲而遣之
 番夷頌德近年流求客商有漂至瓊州者送至廣城僉事經彥案加意存卹遠人感之成
 化弘治之世貢獻至者日夥有司惟容其番使入見
 餘皆留停于驛往來設燕官待方許入城衣服詭異
 亦有帽金珠衣朝霞者老稚咸競觀之椒木銅鼓成
 指寶石溢于庫市番貨甚賤貧民承令博買多致富
 正德十二年西海夷人佛朗機亦稱朝貢突入東莞
 縣火銃迅烈震駭遠邇殘掠甚至炙食少兒海道奉
 命誅逐乃出境自是海舶悉行禁止例應入貢諸番

亦鮮有至者貢舶乃往漳泉廣城市貿蕭然非舊制矣於是兩廣巡撫都御史林富稽 祖訓遵會典奏

上得允於是番舶乃通焉臣惟巡撫之職莫先於為

於朝廷下有益於生人者利也上除害為名併一切之利

禁絕之使軍國無所資志祖宗成憲且失遠人之

心則廣之市舶是也謹按明皇祖訓安南真臘暹

羅占城蘇門答刺西爪哇彭亨白花三佛齊洋泥

諸國俱許朝貢惟內帶行商多行譎詐則暫却之其

後輒通又按大明會典凡安南蒲刺加諸國來朝

貢者使回俱令於廣東布政司管待見今設有市舶

提舉司又勅內臣一員以督之所以送迎往來懋

遷有無柔遠人而宣威德也至正德十二年有佛

朝機夷人突入東莞縣界時布政使吳廷舉許其朝

貢為之奏聞此則不考成憲之過也厥後續倭

軍驅逐出境誅其首惡火者亞三等餘黨聞風懾遁

有司自是將安南蒲刺加諸番船盡行阻絕皆往漳

州府海面地方私自駐劄於是利歸於閩而廣之市

井蕭然矣夫佛朗機素不通中國驅而絕之宜也

祖訓會典所載諸國素恭順與中國通者也朝貢貿

易盡阻絕之則是因壹而廢食也况市舶官吏公設

於廣東者反不如此如漳州私通之無禁則國家成憲

-5 155 35 880" data-label="Text">

果安在哉以臣籌之中國之利益織為大山川水燠

廣東通志卷之六

卷之六

六

為虞則臣又籌之暹羅真臘瓜哇三佛齊等國洪武
初首貢方物臣服至今未樂時淳泥入朝沒齒感德
成化間占城被篡繼絕蒙恩南方蠻夷大抵寬柔
乃其常性百餘年來未有所召之也見今番船之
來自西海其小為肆侮夫有所召之也見今番船之
在漳閩者亦未聞小有驚動則其驩心乎臣請於
章明矣况久阻忽通又足以得其驩心乎臣請於
澳要害去處反東莞縣南頭等地面迺年令海道副
使及備倭都指揮督率官軍嚴加巡察凡船之來出
於祖訓會典之所載者密詞得真許其照舊駐劄
其祖訓會典之所載者密詞得真許其照舊駐劄
敢拒抗不暇即督發官軍擒捕而凡所謂刺嗒番賊
疎詐權要之私通小民之誘子女下海者必禁一有
二者無外之道亦在是矣伏望皇上特勅該部熟
議將臣所陳利害逐一參究如果可行乞行福建廣
東省令番船之私自駐劄者盡行逐去其有朝貢表
文者許往廣州亦澳去處俟候官司處置如此庶懷
柔有方而公灣泊有定所國非該國管下甘浦泗六
松兩便矣

坤州與滿刺加順塔占城各國夷船或灣泊新寧廣
海望崗或新會奇潭香山浪白壕鏡十字門或東莞
緜海澳灣泊不一抽分有則例統年間以迄弘治
節年俱無抽分惟正德四年該鎮巡等官都御史陳
金等題要將暹羅滿刺加國并吉蘭國夷船貨物俱
以十分抽三該戶部議將貴細解京粗重變賣留備
軍餉至正德五年巡撫兩廣都御史林廷選題議各
項貨物着變賣存留本處以備軍餉之用正德十二
年巡撫兩廣都御史陳金會勘副使吳廷舉奏欲或
做宋朝重變賣收備軍餉題議只許十分抽二本年内
京粗重變賣收備軍餉題議只許十分抽二本年内
占城國進貢將附搭貨物照依前例抽分至正德十
六年滿刺加國奏佛朗機奪國及進貢許偽議禮部
議行鎮巡等官遣發出境嘉靖五年又該姚都御史
奏稱進羅國進貢將附搭貨物十分抽二以備
軍餉方物解京嘉靖六年該國副使坤思悅者米的
利等奏稱正船並無抽分該禮部查得會典內該國
例不抽分行回將原抽貨物退俸糧折色椒木蕪支
還變賣修船歸國遵行到今

廣東通志卷之五

卷之五

三

布政司案查得近年止係都布按三司文武官員及
在省文職官吏本司備行廣豐庫於庫貯抽回胡椒
蘇木計筭各名下折色俸銀每一兩內除八錢折蘇
木一百斤尚餘二錢折椒五斤八兩八錢八分其餘
衛所武職官吏與夫境外嘉靖中革去市舶內臣舶
至澳遣知縣有廉幹者往舶抽盤提舉司官吏亦無
所預

海寇

海寇有三路設巡海備倭官軍以守之春末夏初風
迅之時督發兵船出海防禦中路日東莞縣南頭城
出佛堂門十字門冷水角諸海澳海語自東莞之南
亭門放洋至烏瀾
獨瀾七洲三洋星盤坤未針至外羅坤申針則入占
城至崑崙洋直子午收龍牙門港則入暹羅若番賊

海寇則入十字東路惠潮一帶自柘林澳出海則東
門打劫故防之
至倭奴國故尤為瀕海要害漳州番船北風過洋必
經此路水寨去此尚難
一日之程彼處海寇出沒水寨一待何知倘視我無
備乘虛而入無柘林則無水寨矣路官軍宜於九
月無事掣班之時定以柘林為堡阻且咽喉之路且
附近大城所管軍互相哨守庶保無虞各據險把隘
西路高雷廉海向惟廉州接近安南占城為重地焉
廉州東水路自榕根大廉港一日至永安一日至麥
祿日半至雷州少南二日至瓊州正北十日至廣州
西水路自大潭口半日至欽州歷猪沙南沙六石三娘灣為雷
渡正四二日至欽州歷猪沙南沙六石三娘灣為雷
三墩筴筴灣水急灣麻藍頭牙山七十二涇龍門小
海茅墩官渡等處東經烏雷頭而達合浦又自烏雷
正南二日經涌淪周墩而至交趾永安州歷大小鹿
墩思勤隘茅頭少東則曰龍尾海東府界至南大海
外抵交趾占城二國界泛海者每遇暴風則舟飄七
八晝夜至交趾青州府界如舟不能挽徑南則入占

廣東通志卷六

小卷七

七

城又自郡城西橋下舟沿海而東至永安千戶所則
 歷乾禮高德港冠頭嶺龍潭武刀白沙珠塲龍村祿
 村等寨地方瓊志又云儋海之西與廉境對順風一
 日可至唐置廉州地控海口有瘴江西南置廉井崇
 東南置三村砦以守之東至白州百二十里西至欽
 州三十里南至大海六十里北至欽州界百四十里
 西南即儋也據此則廉之倭奴自醜其名改稱日本
 東實與瓊之儋州相望

洪武二年使行人楊載資璽書諭之賜日本國王璽書曰上帝好生
 惡不仁者向者我中國自趙宋失馭北夷入而據之
 播胡俗以腥膻中土華風不競凡百有心孰不與憤
 自辛卯以來中原擾攘彼倭來寇山東不過乘胡元
 之衰耳朕本中國之舊家耻前王之辱興師振旅掃
 蕩胡番宵衣旰食垂二十年自去歲以來殄絕比夷
 以主中國惟四夷未報命故脩書特報正統之事兼
 邊生離人妻子損傷物命故脩書特報正統之事兼
 諭倭兵越海之由詔書到日如臣則奉表來庭不臣
 則脩兵自固永安境土以應天休如必為寇賊朕當
 命舟師揚帆諸島捕絕其徒直抵其國縛其王豈不

代天伐不仁者 嘗來貢而不恪既正其罪後絕不與
 哉惟王圖之

通著之 祖訓曰日本國雖朝實詐暗通奸臣胡惟

庸謀為不軌故絕之永樂初始復貢兩山墨談倭國

沿海邊害故洪武以來設備倭官軍然其器入中國
 者二事至今用之自宋以前惟用團扇元初東南使
 者持聚頭扇人皆譏笑之我朝末樂初始有持者然
 惟僕隸持以事人耳及倭國克貢遂徧賜群臣內府
 又倣其制以事人耳及倭國克貢遂徧賜群臣內府
 此擅名用團扇者鮮矣又泥金畫漆之法古亦無有
 旨德遣漆工揚姓者至倭國傳其法以歸揚之子墳
 習之又出新意以五色金鈿並施於是物色爛然倭
 人見之斷指稱歎以為不及也然則此二藝雖出自
 夷沿習乃逾其舊中國之巧又豈四夷所敢望哉

夫倭當朝鮮之下流山巒巉岬而環以大海天地東
 南之仁氣至此而盡性譎且兇徂詐狠貪風土使之

然也歷齊東淮浙漳泉而後至于潮雙桅出沒東洋
如履平地久矣其爲海堞患也假貢往來因知山川
險易得間則張其弓刀而肆侵夷不得間則陳其方
物而稱朝貢宣德中招之得至京師以貢受賞豐溼
稠載而歸蓋不得間之時也正統中來而得間首犯
寧波賊殺蒸庶陵骸谷血縛嬰兒于柱沃之沸湯視
其啼號以爲笑樂捕得孕婦則剔視男女以賭酒荒
淫穢惡至有不可言者於是浙東戒備嚴而朝貢至
矣弘治以前無通番者亦無海寇之擾正德初始漸
有之宋素卿宗設之犯鄞圍城劫庫放火殺人非無

因而至前也吾廣玩愒防備失策漳舶過羅而巡哨
私通是以螭螳逞威肆其暴竊一聞風鶴懼喙宵奔
豈非浙固剝林災近者邪然波濤洶湧千里吞吐而
我之步騎弗與木筏輕舸浮沉聚散出沒若鬼而我
之巨舸弗與彼若焚舟登陸拚死而聞又有交通接
濟爲之助焉浙災其在閩潮矣是故杜寇之來莫若
嚴於自治禁豪勢交通之私斷小民接濟之路沿海
居民互相保伍昭王度示國信俾其革心感我綏來
計之上也師有潛伏謀在察微勢有窒碍謀在攻堅
以不可勝而待勝計之中也若夫立鈎距作沈命草

雜而禽獮之計之下也噫用其上寇亦民矣用其中
寇自寇矣用其下則民亦寇矣司海道者請三思之
漢武帝既滅朝鮮使驛始通於漢者三十六國光武
中元二年倭使自稱大夫奉貢朝賀賜以印綬安帝
永初元年倭國王帥升等來朝貢獻生口是後倭韓
俱屬勞方郡韓國七千餘里其地大較在會稽東治
之東與珠崖儋耳相近倭產有無亦與珠崖儋耳同
地溫暖冬夏食生菜按倭君朝鮮下流逋逃則往投
之嘉靖初朝鮮國王李懌執送
賊倭二俘首級三十顆及長
箭船楫等物宗素卿之黨也永初三年七月海賊張
伯路等寇畧緣海九郡遣兵破之語在事紀蓋九郡
歷山東淮浙以至

閩粵之
地也

魏景初二年平公孫瓚倭女王卑彌呼入貢歷晉宋
齊梁陳俱入貢無犯邊之事隋開皇中禁江南雙桅
大船大業三年遣使朝貢兼沙門數十人來學佛法
致國書曰日出處天子致書日沒處天子無恙帝覽
書不悅

唐置嶺南節度兵守屯門鎮太宗貞觀五年倭遣使
入朝帝矜其遠詔有司無拘歲貢遣新州刺史高仁
表往諭與王爭禮不平不宣詔而還久之更附新羅
使者上書其後新羅梗海道始繇明越州入求內外

夏夏通志卷六

下

三

經教及傳戒其國分五道東海南海西海東山山陰其使自唐以

來用僧天寶二年海賊吳令光作亂寇永嘉郡南海

太守劉巨鱗以屯門鎮兵討令光誅之

宋紹興三年海寇黎盛作亂官軍滅之黎盛海寇也紹興三年紀

城縱火官軍莫敢前朝循惠均受害朝廷始命申趙單帶四分統軍滅之

元至元十五年海寇陳懿作亂樞密副使月的迷失

撫定陳懿海陽盜至元十五年導元兵入潮城陷以懿權知州事漳州陳吊眼後來相敵至元二十

一年樞密副使至元二十一年海寇涂僑作亂安撫

月的迷失諭降之至元二十一年嶺南草寇競起有泉眾推於舊寨於山下築圍城也號為涂寨自稱侍郎據管七流金豐三饒程鄉豐政等處錢糧歲貢斬

伐自由傳立伊弟余僑生寨共二十餘年有廣東安

撫使月的迷失來潮安諭時本處儒士廖道亨循州

學錄姪廖得祿等眾調兵至正十年海寇陳君寶作

亂邑人趙光國禦之至正十年棉湖陳君寶等作亂邑人趙先國招禦戎水圍果隴

村脅陷人民李文用等三十餘家復業六月海陽菜塘叛賊莫子安等水陸夾攻縣城光國日夜嚴督丁

義固守城池自出錢帛犒勞軍士賊夜遁至正十四年陳遂借亂分部將據守至我朝洪武混一區宇

附焉至正二十五年海寇麥福來等作亂牌兵王

子壽禦之元至正二十五年冬十月海寇麥福來羅仲仁等劫掠石城縣復攻信宜入城劫虜

人民搶去印信惟是本縣牌兵王子壽率民兵戰退又得完印歸縣賊懼復入海為寇

本朝洪武四年五月海寇鍾福全李夫人等寇海晏

下川等地廣州左衛僉事楊景追捕至陽江平之福全

偽稱總兵與李夫人徐仙祐等叛於海晏下川大儋
文持等地景即同指揮范懷率舟師勦捕至陽江海
陵山并上川驚惶門遇賊船二百艘擊敗之十四年海寇饒隆作亂邑人

蕭子明捕之洪武十四年海陽縣三饒賊首饒隆起程鄉縣萬安都人蕭子明募民兵追捕
之二十年海寇周三作亂邑人蕭子明討平之洪武

年安遠縣賊首周三寇程鄉縣吳都指揮帥兵駐於
境縣官遣子明領民兵協力討平之又黃壽山曾必
長於永樂間聚眾山海二十六八年八月命安陸侯吳
副掠揭陽人民旋討平

傑求定侯張金率致仕武官往廣東訓練沿海衛所
官以備倭寇論者曰備倭者本以禦倭寇也近年倭

窟入海遂肆掠獨獺為濱海諸郡患往者議發餉金募
海夫比舊設軍士已數倍又不足益以東莞烏船號
子弟兵又數百然而不能遏其衝以寧息者豈盡謂
官兵怯弱耶其故有三一曰窩藏謂濱海勢要之家

為其淵藪事覺輒多方蔽護以計脫免二曰接濟謂
黠民窺其鄉道載魚米互相貿易以贖彼日用三曰
通番謂閩粵濱海諸郡人駕雙桅挾私貨百十為群
往來東西洋島嶼諸番奇貨因而不靖肆劫掠此三患

若閩粵大畧相等為今不合并兩省之力以夾攻不
除此三患即兵船歲增月益勢不可息昔人謂以守
為戰在執

事者圖之永樂七年四月海賊阮瑤寇劫長塾林虛
二巡司焚解舍毀寨柵而去巡海副總兵李珪遣雷

州衛官軍追擊敗之獲賊船二十七艘生擒賊屬男
婦一百六十人八月冬十二月倭寇陷廉州教授王

翰死之翰河東人任廉州府學教授嚴立規程教誨
倫堂賊至欲執之九年三月倭寇攻陷昌化殺千戶
罵詈不屈遂遇害

王偉命副總兵指揮李珪等討之廣東都指揮使司
奏此倭賊攻陷昌

化千戶所王偉等戰敗被殺軍士死亡甚眾城中人
口含糧軍器皆被劫掠而副總兵指揮李珪及南海
衛所遣領兵指揮千百戶徐茂等初不嚴兵備禦賊
至又不救援賊去亦不追勦罪當死上曰此不可
宥姑令捕寇續罪十九年正月辛巳珪於潮州靖海
如寇不獲皆斬

邊遇倭賊與戰殺敗賊衆生擒十五人斬首五顆并
所獲器械悉送北京戊子兵部言廣東都指揮李端
捕倭失機已就逮上命選能

幹官往率兵禦倭二月辛丑命都督僉事胡原克總兵官都

督僉事梁銘都指揮使薛山為副率原調廣東都司

所屬官軍五千人巡捕倭寇正統十二年海寇陳萬

寧作亂潮陽知縣劉源洪禦之正統十二年漳州海
寇陳萬寧攻劫潮陽

知縣劉源洪正統十四年八月海賊從黃蕭養攻廣

州城不克後蕭養伏誅海賊皆遁語在景泰三年四

月海賊寇掠海豐新會叅政謝祐遣指揮張通攻走

之語在天順二年三月廣東副總兵都督同知翁信

奏海賊四百餘徒犯香山千戶所燒燬備邊大船其

都指揮張通總督不嚴是致失機乞正罪章下都察

院請逮問如律別委武臣代之上曰通罪本難容

但今用人之際姑宥之仍令殺賊以贖前罪十二月

陞廣東備倭都司指揮同知張通按察司僉事謝璫

及官軍十人俱一級一百二十五人賞有差以斬獲

海賊故也七月海寇嚴啓盛寇香山東莞等處巡撫

右僉都御史葉盛討平之

先是啓盛坐死囚漳州府越獄聚徒下海為患敵殺

官軍拘留留都指揮王惟至廣東復殺總督備倭都指揮杜信至是招引番船駕至香山沙尾外洋盛廉其實會同鎮守廣東左少監阮能巡按御史呂益命官軍駕大船衝之遂生擒啓盛餘黨悉盡海患始平

天順三年海寇羅劉寧作亂潮州知府謝光討平之

羅劉寧程鄉盜也天順間作耗海海寇黃于一林烏

鐵等作亂潮州知府周宣討平之

正統間首亂五年殺敗海陽官軍益肆劫掠所過無不殘害知府周宣以奇計陷烏鐵而誅之于一等益肆亂燒劫揭陽縣治而下夏嶺等二十四村皆被脅從當道檄宣捕賊宣親督兵據險劄營凡七所與賊相距四十餘日擒殺渠魁餘賊不敢出宣謂盜魁既得餘可撫而下也乃出榜令鄉儒陳驥等入賊中張

掛而自詣賊營撫諭各賊皆釋甲羅拜乞降且訴從賊非本心皆出於被脅不得已因遍歷各村放回被

劫良民一千二百三十七戶繼而山賊羅劉寧等復

集眾入海為亂燒劫惠州府興寧長樂等縣當道復

檄宣捕賊宣潛起從良民黃伯良等出賊不意搗其

巢穴大破賊眾擒斬陳聰馬信歐瓊等并獲妖婦羅

法娘羅劉寧母妻與其男貞上等六百六十名奪得

各賊馬五十疋取回各府被擄男婦揚呵孫等一百

二十一口時湯田黃寨等處比皆從賊省臣欲乘勝盡

滅之宣謂脅從罔治乞賞免其得復業戶七千全活

命數萬賊平當道以宣漳人漳潮相密邇通逃互相

藏匿難以行事奏改調宣漳人漳潮相密邇通逃互相

疏未上而新注太守出京矣頃而海寇復大亂攻圍

縣治劫掠居民殺死指揮劉際通判劉恭又掘破海

鄉儒陳驥等白當道曰事亟矣必周守復來其事乃

定因令具書請宣宣慨然為來入境軍民胥慶宣白

當道開城門納逃難諸良民時府縣學舍寺觀及宮

廊曠閑處所皆德樓宿病者給醫藥死者給棺槨貧

乏不能自存者皆設法賑濟之潮人大悅當道欲逮

發兵宣曰彼雖為賊良心猶存况未窺其虛實萬一
 拊吾威靈則事去矣不如先招之招之不服發兵未
 晚也乃出榜約日招降全期各賊駕船數百艘來皆
 彼堅執銳魁渠服色備擬侯王宣謂曰若等既欲從
 良何為乃爾於是皆投戈釋甲去借服相與羅拜宣
 為勸哭眾亦哭當日單騎親詣賊巢因而徧歷二十
 四村且慰且諭歸被擄男婦七百餘人賊船三百餘
 艘送當道處悉燒燬其有未燬者皆鑿沉之海濱
 有淫祠賊卜神以為從違既約日入降而復舊豫宣
 問之曰卜神不吉宜夜抵神祠告曰民欲從良神何
 告以不吉再告不吉是神不知有順逆吉當別作處
 分矣次日賊復往卜報曰吉然賊雖得吉卜而終猶
 豫口使人覘之團營結寨如故宣告當道曰賊可滅
 矣欲降而猶豫眾不為用矣遂出其一鼓而滅之潮
 地悉平事聞朝廷遣官賚表
 裏賞勞廝役以下併及焉
 天順四年海寇魏崇輝
 作亂命事毛吉等討平之
 魏崇輝許萬七天順四年
 鄒山寇羅劉寧黃阿山聲勢相倚民罹
 其害命事毛吉知縣陳爵奉命討平弘治中海寇

蘇孟凱作亂潮州知府葉元玉討平之
蘇孟凱饒平人弘治間聚

眾山林以革十為名因而劫掠海陽村落
 民罹其害者數年知府葉元玉討平之
 正德二年

海寇朱秉英作亂官軍滅之
正德丁卯年上漳溪賊

掠大埔縣鄉村燒毀神泉山矣
 命事黃指揮張知府等官征勦殄滅地方稍寧
 正

德五年海寇陳玉良等作亂安遠侯柳文討平之
正德

五年賊首陳玉良梁世昌張仕錦等嘯聚山林程鄉
 縣義化石盜等都擾害鄉邑總兵官安遠侯柳文等
 督兵討

平之
 正德六年海寇李四仔等作亂都御史林廷

選討平之
正德六年賊首李四仔黃鏞張時旺嘯聚

七年總督右都御史林廷選總兵官安遠
 侯柳文總鎮太監潘忠等督兵討平之
 正德十二年

年海寇黃白眉等作亂平之
正德丁丑清遠都箭灌

等作耗流劫福建漳泉地方二省奏聞總督府調

兵撤守巡張參議顧僉事黃都指揮征勦地方始寧

嘉靖元年海寇丘泥金作亂平之靖元年作耗流劫

海陽鄉村捕盜通嘉靖二年福建賊流劫惠潮提督

都御史張嶺總鎮太監韓慶總兵官撫寧侯朱麒討

平之先是福建上杭賊首江小范四等集徒搆亂糾

山賴庶等流劫漳泉官兵追敗突劫程鄉等縣鄉村

至是嶺等調發漢達土官目兵打手二千餘名委達

官都指揮李翔嶺東分巡僉事施儒右參議孫懋守

備都指揮楊懋分道與福建官兵夾攻得斬五百餘

名顆地嘉靖五年海寇曾阿二作亂平之曾阿三程

方始平嘉靖十年海賊黃秀山等亂提督

海陽數年嘉靖間嘉靖十年海賊黃秀山等亂提督

知府張景暘平之嘉靖十年海賊黃秀山等亂提督

兵部右侍郎兼右僉都御史林富總兵咸寧侯仇鸞

討平之秀山與黎國爾皆東莞縣民乘船出海勾集

西二路沿海鄉村居民商船屢被其害至是富等嚴

督海道副使江良材嶺南守巡左參議王積副使楊

庶嶺東分守右參議翁馨守備都指揮王蘭分守雷

庶高肇左參將程鑒總督備倭都指揮陸桓調集兵

船分道把截夾攻俘斬首從二百嘉靖十一年海賊

餘名顆秀山等戮于市海道始寧嘉靖十一年海賊

許折桂等亂提督兵部侍郎兼左僉都御史陶諧總

兵咸寧侯仇鸞撫平之折桂與陳邦瑞曾本亮周廣

秀山等出海為盜秀山伏誅折桂等逃交趾執魯本

亮等殺之而折桂等復回聚黨沿海剽掠拒敵官兵

為患日熾至是諸等督責海道副使楊庶兵備僉事

莫相統領官兵俘斬首從五十九名顆生擒周廣等

戮于市而折桂乞降首送遠禁器物船隻入嘉靖三

官歸還脅從被虜一千七百餘衆海道始清嘉靖三

十三年提督兩廣兵部侍郎鮑象賢總兵官征蠻將

軍定西侯蔣傳討平廣東海賊先是賊首何亞八鄭國糾同番船前來廣東外洋及沿海鄉村肆行劫掠殺虜人財拒傷官兵脫往福建等處收納叛亡數千及方武等分宗流劫浙江嘉杭寧紹台温一帶地方均受其害亞八等仍又遯回廣東地方打劫軍門督行巡海副使汪栢委指揮王浦黑孟陽等統領兵船分東西哨隨往剿捕王浦擒獲何亞八等於廣海三州環共一百一十九名斬級二十六顆弱水燒死不計餘黨駕船脫走四散劫掠新會賊首陳文伯等乘機崛起爾聚千餘隨即撲滅撫其脅從三百餘人而徐銓方武等又自福建流劫突至於潮又為黑孟陽所破斬徐銓于海其各道守巡兵備等官督併官兵陸續于潮州柘林硎洲烏嶺洋新會雷瓊等海面擒斬賊黨共計一千二百餘名願俘獲賊屬奪回被虜人口各有差何亞八鄭宗與方武陳特傑等俱解軍門磔于市海島始平初海南柵有天妃廟九放洋往還皆敬事之日降箕神驗亞八躬拜告禱乃降書一死字童子扶箕久不降亞八躬拜告禱乃降書一死字

亞八大怒斷神首併執二童子殺之其黨知其必敗矣此行所居大船包以牛革用防官軍潛鑿及是船碇每聞鑿聲轉霧冥濛天明不霽及兵至猶以為所遣賊徒得掠而歸遂至於敗亞八東莞人嘉靖三十七年正月壬午倭寇自漳泉入揭陽縣劫掠官軍擊敗之復攻劫饒平縣破黃岡民鎮提督都御史王鈞至潮州調集漢達狼兵打手鄉夫副使林懋舉命事經彥宋參將鍾坤秀知府李春芳各帥師大敗其眾俘馘無算倭寇退走先是嘉靖壬子倭寇初犯之餘皆閩浙通番之徒剪頂前髮而推髻向後以從之然髮根不斷與真倭素禿者自別且戰雖同行後各宿食此其異也徵人王直號五峯者始為倭經紀紹統率往浙破黃巖尚書黃紹家以報私怨遂至寧打手擊敗之直遂就擒其黨毛老許老等遁入舟山

至是犯潮州大船一十三艘其徒八百餘人大都皆漳泉温紹產也突入揭陽縣大家井村劫財殺人房屋盡燬至蓬洲千戶所從崩城擁入城中殺死百戶李曰芳等報至海道副使林懋舉先往潮州提督都御史王鈞調集漢達復兵并募廣州新會順德打手未至知府春芳豫集鄉夫禦之及僉事經彥家參將鍾坤秀統督官兵至共擒斬真倭從倭共一百七十名顯鄉夫之功居多很兵沿途恣肆官目不能制禦徒張聲勢而已十月甲子倭賊三百餘徒自焚其舟登岸攻劫磚頭北塔等村大肆焚掠守備指揮楊籃被殺正官軍斬獲必奪其屍去不得棹功籃因棹功致死報聞廣城戒嚴三司往請軍門移鎮已而寇集海豐縣潭衝土賊從倭行劫洋尾四村焚掠男婦死者數千人哭聲徧野懋舉彥家多方禦之民恃以無恐己而倭酋帥衆千餘自漳州突入饒平縣攻劫黃岡民鎮破其城入居之彥家坤秀及春芳鄉夫與官兵併力擒斬一百四十六名類三十八年二月適軍門駐潮州軍威大震肇慶府同知呂天恩與監督協謀沿海鄉夫皆賈勇擒斬益多寇自饒平間道趨揭陽縣圍其城彥家以兵八救之寇皆敗走南洋灣鄉夫

太勇斬倭酋金隘甲者一人其衆大敗俘馘無算會彥家報罷僉事殷從儉代之制禦乘勝每戰皆捷黃岡鎮團聚者悉出遁走還闕於是軍門遂歸蒼梧奏以坤秀統師守之三十八年十月乙丑倭寇復入潮陽縣參將鍾坤秀會按察副使張子弘嶺東分守參議馮臯謨僉事殷從儉統督官兵禦之屢敗其衆會提督王鈞擢南京都察院右都御史兵部侍郎鄭綱代為提督即檄官軍嚴討三十九年二月海道副使鄭維誠至四月殷從儉報罷嶺東分巡僉事齊遇至又屢敗之倭賊先在福建和平詔安二縣與饒平黃岡鎮隔界屯聚時守將鍾坤秀領原調南州官族莫善日兵一千九百餘人指揮陳鶚領原調田州報効官族黃真目兵一千人於饒平險要茅山分水立二營防截三十八年六月倭報漸近會委百戶朱鉞領募

兵五百人鎮撫羅萬麒領團操打手三百人協守俱
 以指揮馮良佐統之復調備倭指揮高拱部領官軍
 及鎮撫余盛領募兵共七百餘人防守黃岡鎮城通
 行各縣諭令小民歸併大村起集父子丁夫互相防
 守其附郭人民俱移入城內仍行饒平大埔各集鄉
 夫委官部領把截要害狼兵私毫有犯僉事從儉即
 治以軍法所至肅然十月乙丑蓬州所報倭船二艘
 約賊三百餘人從潮陽海口燒船登岸劫掠錢岡村
 水哨備倭指揮孫敏擊斬倭級二顆十一月庚午又
 有倭賊千餘從招寧巡司河渡磊門登岸同海賊許
 老等三百餘徒攻海門所城官軍用銃箭擊死倭賊
 數多壬申目兵莫善等追至石牌水陸並進併孫敏
 又擊敗之賊遁還和平丙子許老等自海門所至潮
 陽縣南縣丞范楠御等率兵壯鄉夫擒斬十九名額
 併接濟陳屯林世儼四名率兵壯鄉夫擒斬十九名額
 遁回和平合夥丁丑又有賊三千餘徒分三哨從饒
 平分水關至黃岡鎮城外高拱及府衛署印通判翁
 夢鯉指揮李榮知縣熊吳林叢槐率兵截捕已卯賊
 屯于南洋灣馮良佐統目兵黃真莫善分為二哨千
 戶黃昇等領各募兵打手合為一哨南洋三灣諸鄉

兵又協助之擒斬三十八名額奪獲接濟三名併被
 虜人口賊仗馮驢等物乃拾船而奔聚于關望港口
 官兵追至楓洋對岸甲午賊出揭陽蓬州都外沙村
 焚掠官兵擒獲七名額有陣亡者隨募兵及烏汀肯
 大家井村鄉大協勦之而提督交代新令益嚴守備
 指陳學翦亦至武生詹弘道等亦督兵獲功十二
 月巳亥賊往寇階外蕭都官軍斬獲二千名額會庠
 生謝弋鳳家丁一百名為軍門取用以千長蕭善文
 領之援例典膳秦金製造火藥子助砲九龍鎗神枝
 箭各數百枚亦領兵至辛丑賊自和平營于赤寮村
 劫揭陽棉湖寨軍門發目兵五百餘人令學翦截捕
 丁未新倭賊自福建雲霄突入黃岡余盛哨禦之至
 有殺傷賊道往東嶺戊申賊自關望出營往彩塘官
 軍斬獲二賊道往東嶺戊申賊自關望出營往彩塘官
 于源頭塘湖通海道副使鄭惟誠至會督水路官營
 指揮武尚文部領兵船亦至張子弘回司已未賊自
 關望出劫官軍目兵鄉夫共斬獲倭匪細共六十
 七名額秦金領鄉夫鏡手一千人仍起集三灣鄉夫
 一千人多給藥鏡協同防捕甲子軍門發目兵六百
 人打手三百人續至賊自棉湖寨突往蘆清官軍生

廣東通志卷之六

卷之六

三

擒從倭土賊二名并馬一疋三十九年正月癸酉賊
 移營往潮陽貴山都屯府縣督鄉夫及官軍斬獲十
 一名額秦金等官兵用銃擊死數多丁丑武尚文水
 兵斬獲六名額賊又移營于古埕官軍追之乙酉四
 鼓賊船自開望港口往南灣登岸攻圍危急秦金兵
 及鄉夫用銃砲火箭擊死尤多官軍急赴援協力大
 戰自寅至午擒斬三百七十三名額賊潰走渡河官
 兵于英謝弋鳳及鄉夫邀擊之擒斬七十四名額俘
 內有自嚮舌死者餘俘及被虜譯字小厮胡器解赴
 軍門戊子賊出營祭江誓與南洋灣復仇武尚文等
 官兵擒斬五十二名額于英等擒斬四十二名額鄉
 夫斬獲六級其在古埕者斬獲一級壬辰賊在關望
 者出營修船官軍擒斬二名額甲午賊自古埕
 出劫官軍擒斬二十一級奪回被虜男婦數十人已酉賊
 沙嶺官軍斬獲一級邀擊之斬獲頗多戊午賊分哨
 遁走至大濠橋日兵擊之斬獲頗多戊午賊分哨
 四百餘徒乘馬百十餘疋守備兵擊之擒斬三名額
 賊大潰官軍乃得功此俘器械八百有奇被虜走回
 者二百餘人獲賊馬十餘疋器仗無算四月殷從倫
 致仕疏名適嶺東分巡僉事齊遇至與海道叅將會

師擒斬三百六十
 名額殘賊悉遁

按東莞南頭城古之屯門鎮乃中路也縣有烏槽
 船號子第兵者東西二路防守莫不用之舊規每

夏初風迅之期通行督發沿海府衛所縣捕巡備
 倭等官軍出海防禦倭寇番船撫巡定議動支布
 政司軍餉銀五千兩給發東莞縣時候支用雇募
 南頭福永西鄉等處驍勇兵夫與駕船後生共一
 千五百名查取烏槽船每年三十艘分撥一千名
 駕船二百名查取烏槽船每年三十艘分撥一千名
 等處又發五百名駕船十艘往高雷廉等處緊關
 海澳俱聽各備倭官員部領防巡緝每支給
 工食銀六錢口糧如不敷於潮州府民壯七非調
 遣不給口糧如不敷於潮州府民壯七非調
 名數內二百八十三名工食銀兩徵解東莞縣貯
 候雇募支用其五百名工食銀兩行該府委官選
 募本處慣經水戰打手與駕船後生共五百名工
 食口糧照前數就於大城所關支查取海陽等縣

慶長卷之六
全
船船往柘林等處海澳協同東路備倭官軍防守
前項船俱驗裝載如十萬以上給銀一兩五錢十
萬以下給銀一兩東莞縣顧募於軍餉銀內支用
海陽等縣船隻於該府庫貯無碍官錢支領俱待
九月終旬風迅寧息嘉靖十四年按察僉事吳大
海洋無事方纔掣散
本議以東路柘林澳為瀕海要害精選兵夫以中
路海道咽喉用六百名東路為門戶用三百名西
路頗靜用二百名四月初旬上班九月無事掣班
定以柘林為堡以阻寇變蓋兵貴精而不貴多食
宜豫而不宜匱儲選有常而兵食必足戰守有據
而要害必備則三路之海防不為虛設矣然前此
柘林民吳大等已嘗聚眾劫掠惠潮沿海居民被

害甚憺嘉靖五年潮州衛指揮賴俊始督民兵驅
滅之是寇非外至也海濱獨信寧都黃芒諸村尤
為僻遠居民接濟番舶劫掠行舟遇荒尤甚嘗拒
敵官軍勢甚猖獗方議大征分巡僉事雍瀾至乃
行招撫之令檄知縣羅胤凱往開諭之置社學立
保約擇其子弟十餘人聚于邑庠於是海表盜賊
日消然海賊嘗劫蕭廷昌矣擒獲大半皆潮陽之
土著也矧漳人先以糴穀為名而奸民因之為市
賄結軍哨以卵翼之而土著豪強利其貨物交通
啓釁豈能盡察哉

中路佛堂門十字冷水角老萬山伶仃洋屯門鷄栖海澳最多

故用六百名東路雖拓林要害而海豐長沙碣石
等處亦宜巡緝故用三百名西路頗為僻靜故用
二百名若倭寇有警增募四百名以足一千五百
之數潮州民壯工食於本府軍餉支給兵夫惟選
三百名餘留守城有警則增二名以足原額
五百名之數每艘四艘一官統之每月更替做南
京操江事體將三路兵船編號定甲使船水手教
以接潮迎風之法凡長兵短兵弓射弩射必常時
演習使之出入往來如神海道官嚴加比練以行
賞罰仍通行各縣責令沿海居民各於其鄉編立
船十門牌內循序應當船上各懸字號若無字號
者長副鳴鑼追逐倘倭官毋得多帶兵壯下鄉查
點總小甲及捕魚船取執結以索銀兩有假稱巡
河總甲生事勒索者俱行嚴究凡沿海居民量地
隨宜起蓋敵樓互相防守一遇有警前後策應凡
捕魚小船各在本港不許駕出外洋若癸丑八月
遠出不回者地方報官治以接濟之罪癸丑八月
海賊數十艘已寇揭陽矣鄉夫追殺自桃山至大

井僅馘十餘而被虜男婦多溺死蓋兵非素養不
得地利故也兵法曰置之死地而後存又曰無恃
其不來恃吾有以待之打手狼兵虛名而已烏嚕
船子弟兵昔自中路首擒何寇其子弟兵俗呼莽仔
盜徒而無對障相劫之惡何亞八亂時諸縣報效
蓋因寇阻其商販之路也知縣何价不許及海道
用之素熟地利竟從指揮王沛擒亞八成奇功南洋灣鄉夫今在東路屢
勝真倭南洋灣鄉夫所居背水正如韓信背水陣
所礙故能往往取勝也此皆所宜素養者也編號定
此東路可用之兵也
甲更番作息無事則隨宜農商以養其財聽用則
時使休閒以養其力有警則豫給工食推牛釀酒

以養其氣而威惠相濟務得其心有不戰戰必勝矣此經畧之上計也

論曰安南占城本漢郡也故言語文字猶通乎中國

真臘以西則皆扶南罽國所屬也自漢時僑陳如以

天竺婆羅門主之其名見於四十二章經明帝遣郎中蔡愔秦

景使天竺求得之此佛經入中國之始婆羅明華言僧也佛與菩薩偏袒右肩其

為罽國之俗可知矣男證果曰佛女證果曰菩薩按

物及在廣州見呼番婦為菩薩蠻乃知觀世音以女證果故云爾夫天竺釋迦之所

自生也佛法行於東西二洋善者若赤土瞿曇氏惡

者若羅刹鬼國化而訾之有幻術焉達磨西來傳至

慧能三鼓入室密授衣鉢行至庾嶺有奪之者提掇

不動是也語在雜事至今番僧猶傳其術雖倭奴亦事佛

而任僧其謂根塵寂靜心地清涼見得本性自然極

樂者薦紳喜之多棄孔顏博約之教而求徑焉殊不

知此乃吾人勦入洗心盡性之說而易其詞耳豈有

番夷海寇所習言語文字反妙於中國者哉達磨西來不通

中國言語文字而謂楞伽四卷可以印心其言五法

三自性八識二無我反為支離又達磨傳至六祖有

禪宗金剛經是時房融知南銓寓廣州番僧持楞嚴

梵本就寺譯出而筆授之增入菩提諸義士夫亦喜

觀之白蓮教去其繁文止歌演其呪以焚香聚眾稱

孔雀明王其流禍階矣又圓覺經云一者理障礙正

知見二者事障續諸生死亦為陽儒陰釋者所宗潮


人林大欽作性日照空萬障說而被猖悖淫以死誣

又有立息心火以延國脉之說詈孔子四十不惑為頑皮者與其徒拍柱打拳以為樂言之無文動不以禮一至於此故羅整庵詩有句云不李文鳳氏欲討是皇天分付定中華那復有衣冠

安南不貢之罪嗟乎夷寇內訌久矣

贊曰番夷宗佛海寇談禪居然羅刹自比毗騫安南都統文教猶傳兩階重譯來格相先虞周盛德我

明比肩



廣東通志第六十六卷

